

重修上高縣志卷九

知縣事歸安馮蘭森纂輯



列女志 節孝 節烈 貞女

誰謂巾幗匪丈夫身扶輿清氣或鍾婦人存孤涕泣奉
姥酸辛之死靡慝生也不辰又多故倉卒求伸從容
慷慨並全其貞豈必志士取義成仁既芳彤管光我彝

倫迤列女志 節孝

元

上高縣志

卷九

列女 節孝

潘氏 玉貞河北况福二之妻夫卒氏十九至六十而卒守節完操府志

明

塗氏

高安宣政鄉塗原禮女河北岸元高安將仕郎沈元輔妻至正壬辰天完僞將歐祥陷袁州元輔往援兵敗死之塗年二十五不避艱險撫孤全節歷三十餘年洪武甲子知縣崔世安以聞旌表梁寅有傳見藝文省志

漆氏

玉貞河西漆俊仲女仁李崇文妻年二十九崇文卒子方三歲時值兵革養姑撫子誓志四十七載鄉里重之洪武十七年旌表見省志

王氏

安定東團熊伯輕妻年二十八生子甫週歲而伯輕死勵志撫孤紡績以供衣食洪武二十五年旌表見省志

吳氏

後塘團况吳妻年二十二吳死遺腹生一子立志守節奉母撫孤孀居三十載人無間言成化間旌表見省志

阮氏

李文妾文任乳源知縣卒氏年二十三奉櫬歸葬守節不渝見明一統志

晏氏 全安下團舒景昂妻年二十七夫亡紡績撫孤正德九年知縣王以旂奉例旌表見省志

冷氏 愛貞景行團王希商妻年十九夫亡誓志守節家甚貧以十指自給撫孤兒元佐勵志於學卒年七十二嘉靖丁巳知縣向瞻

傅氏 嚴且妻臨淮縣丞傅濟女年二十五夫亡與妾楊氏同心守節以老郡守立雙節耿光坊獎之見省志

李氏 河南岸潘魁梧妻年二十七夫亡誓志撫孤備嘗艱苦教子有成郡守給柏舟孤節額旌之見省志

敖氏 高安敖申之女邑諸生黃埔繼妻性溫慧通孝經論語列女傳大義埔遺惡疾親侍湯藥不避穢者數載埔將終以年少無子諷之答曰從一而終婦人之分無復我慮

時年二十四歲誓志守節夫家欲奪其志乃歸母家獨處一室終其身不

踰閭見省志

潘氏 坤貞城南廖五傳妻歲貢廖熙和之祖母也年二十五夫卒二子俱在襁褓伶仃孤苦族有諷之再適者氏取

上高縣志 卷九 列女 節孝 二

鏡碎地曰欲吾二心誓與此鏡俱爾諷者感悔紡績辛勤撫教二子成立俱餼於庠孀居四十餘年萬曆壬午知縣

吳達可贈匾癸未按院 韓國楨題旌見省志

楊氏 河北岸楊鳳翔女崇本團江良偉妻年十九偉卒子僅七月勵志守節縣令以聞於學使令獎以米帛見省志

晏氏 朝貞潘璋妻年二十守節貧苦無倚至六十八歲卒人稱其勤紡績以奉姑茹藿藿茶而育子歷諸困窘愈勵堅

貞萬曆十三年按 院吳題旌見省志

劉氏 仙貞鄭敬棠之妻年二十三棠死子二長欽瑚甫二歲次欽璉遺腹生勵志守節紡績養姑萬曆十四年知縣

何道承通詳巡按 題請建坊見省志

戴氏 王師曾妻年十七適王甫二年而師曾亡瀝血死守家貧紡績奉養翁姑歷五十年如一日撫孤國匡慈嚴並

至乙卯登乙榜人以 為苦節之報見省志

李氏

戊貞况孚卿妻年十九夫喪晝夜悲號不食垂死救甦母以家貧子幼欲奪其志氏剪髮自誓紡績侍奉撫育孤兒終年六十五歲萬曆三十年旌表見省志

晏氏

河北岸沈繼夔妻年二十夔卒子淮尚在乳哺氏勵志撫之補弟子員而復天孀居至老不渝其節見省志

陳氏

李德元妻仁里團人二十三歲夫亡家貧苦節教子時選以紹書香自少至老柏舟益勵院道題旌見省志

丁氏

鳳貞修仁團黃元臣妻年二十二夫亡家貧守志事舅姑孝謹撫二子高登俱成立孀居五十載知縣歐祖賢申請旌表見省志

鍾氏

妙節北里團黃雲齊妻年二十四而寡食貧茹苦紡績延課冀紹書香壽至百歲天啟七年郡守陶匾贈共姜同操詳請題旌見省志

易氏

春貞勞松下團李天和之妻二十八夫亡守節天啟二年按察司汪起鳳給柏舟完節匾獎之見省志

上高縣志

卷九 列女 節孝 三

黃氏

豸溪聶應兌妻年十八而寡矢志撫孤勤儉持家事舅姑至孝年七十二卒天啟間郡守魯史匾旌見省志

左氏

清貞河北沈文繼妻年二十夫亡堅志守節事親教子禮義兼盡歷五十餘載卒後旌見省志

況氏

大貞河北沈本源妻五馬坊况一嵩之女年二十夫亡無子家貧親老恪共婦職勤勞操作以孝謹聞守節四十餘年卒邑令以匾旌之見省志

黃氏

集賢坊周廷秀妻歸三載夫亡誓守家赤貧姑與母欲奪其志不從以十指養姑及子無間言知縣陳以匾旌之見省志

李氏

福貞黃文祀妻城西李自誠女年十九夫亡子興運甫一歲勵志撫孤孀居五十餘載人無間言與運事母以孝行聞舉鄉約署縣事陳國鼎旌以節孝齊芳額見省志

戴氏

清貞廩生王文進妻年二十二夫亡子毅僅四歲矢志守節家貧紡績勤勞課子毅列邑增生氏年六十卒知

縣蔣克顯匾贈王
潔冰清見省志

劉氏 閩貞河北岸鄭元鴻妻年十九夫亡遺孤半歲家貧紡績撫育後子媳繼頌復撫幼孫士升教讀有方蜚聲庠序年八十九卒崇禎間通學公舉知縣蔣克顯給匾節壽

貽謀見省志

曾氏 美貞庠生王嶺妻年十九夫亡子鼎鏞甫二歲矢志自守備歷兵荒母氏憐而欲奪之泣誓不從織絅自給課

兒勤學食餼膠庠孀居二十餘年卒知縣蔣克顯旌額曰水雪自將見省志

鄭氏 貴貞孝義團李汝德妻汝德力學蚤逝遺二孤長某甫六歲幼琮陽方禴祿氏時年二十四矢志靡他撫育二

孤既長大婚配矣忽相繼天喪幼無嗣長生二子以其次為琮陽嗣一姑二婦相誓俱守崇禎十三年氏年八十二

兩媳亦五十餘矣知縣蔣克顯稱其始以孤而勵身復以孤而勵媳是合兩世之苦集為一身之苦是合三身之節

同為一人之節以苦節遐齡額獎之幼媳羅氏瓊貞二十歲夫亡奉姑苦守終年七十二

上高縣志 卷九 列女 節孝 四

國朝順治八年知縣易道沛復給以節孝兩至之額

趙氏 河南趙載祿女唐良晏紹豐妻年二十二歲夫亡剪髮斷華矢志不二孀居四十年茹苦食葷撫孤成立崇禎

間巡按訪求節孝知縣蒙興楚以聞給匾旌之見省志

胡氏 壯貞郡廩生黃顯妻庠生兼善之母年十六夫亡孤生方三月家貧日夜紡績以資教育居恒務舉古人嘉言懿行以勗之孀居六十餘載卒崇禎十四年按院徐以匾

旌之司李劉起相為之贊見省志

國朝

羅氏 灣溪邑廩黃公望妻明經羅思義之女年十九歲喪夫斷髮矢節始終不渝事姑教子孝慈並著年七十一卒

知縣丁允祉崔名世康殿邦府同知蔣允修並給匾獎之見省志

鄭氏 沈應昌妻庠生鄭贊臣之女年二十八應昌死氏志貞行潔事姑撫子孝慈兼盡守節五十八年卒知縣易道

浦上聞匾旌柏舟砥節見省志

李氏 舉人曹登妻登領鄉薦上公車以痘症卒於途氏年二十三泣血迎柩矢志不欲生親黨勸之繼從子為登嗣

貧苦砥節人無間言見省志

鄭氏 河北岸廣西融縣教諭盧明揆妻潘氏維容教諭盧明挺妻順治己亥揆挺殉永明王之難二氏矢志不移與

揆妾王氏之在廣西者俱以節聞康熙間並經題旌按舊志缺傳林志據節孝祠牌位及盧譜增敘

江氏 崇本團洋田業儒羅應嵩妻連平州牧江廷魁妹也年二十夫故姑老子幼事畜盡致甲申之亂盜賊蜂起氏

孀夫兄弟內外防守不以顛沛流離易其操嚼雪和熊凡三十餘年疾革時戒死後無作佛事尤婦女所難知縣易道浦匾贈康熙初旌表

建坊祀節孝祠見省志

何氏 貴貞石虬渡李宗奇妻年廿六夫亡守節教子有古賢婦風年七十六卒知縣易道浦匾以節並共姜見省志

上高縣志 卷九 列女 節孝 五

朱氏 柔貞辛義下團廩生吳偉妻高安社山明大侯寺卿朱不逾年八十三卒知縣劉

啟給匾表之見省志

辛氏 郡庠生江懋熹妻萬邑女也懋熹少孤母性嚴明氏年十六歸江能得其歡心越六年懋熹病亡姑老子幼氏

茹荼勵節數十年上承顏色下課詩書家不甚饒而性喜施予節勤之餘以濟窮困鄉里賢之雍正十年詳請題

旌表建坊入祠乾隆間以子學訓貴

陳氏 新邑女也歸河西灣溪黃于象為繼妻夫故氏青年勵節金石同堅撫前趙恭人所生子視如己出年七十一

終長子光岳雍正甲辰進士幼子光翔邑諸生以孫克顯貴

覃恩誥贈恭人乾隆元年旌表建坊祀節孝祠

傅氏 河西灣溪黃光翔妻幼喜讀書能通孝經論語夫亡無子氏年二十一誓志終守式型姑訓數十年如一日以

伯氏光岳三子常顯為嗣愛勞交盡獲舉於鄉乾隆元年與姑陳氏同建節孝雙旌坊祀節孝祠

况氏生員任慶源妻舉人况文英女年二十七夫亡守節勤紡績奉翁姑甘旨無闕喪葬有禮宗族賢之乾隆元年

旌建坊入祠

黃氏淑貞河西白沙歲貢黃日起女河南化龍坊儒士嚴廷璣妻生一子甫三齡而廷璣卒氏年二十有二守節六

十七年年八十八卒孫曾林立五世同堂乾隆二十八年旌表建坊祀節孝祠高安令嚴謙有傳見藝文

戴氏灣溪黃明德妻婚一歲而夫亡氏年十八誓以身殉念翁姑老叔幼強起操作以資奉養翁姑疾親侍湯藥久

而不倦卒則喪祭盡禮撫夫弟次子為嗣教讀成立乾隆二十八年旌表建坊祀節孝祠

章氏勞松上團陶明德妻乾隆二十七年夫故氏年二十七撫孤守節三十五載教子成立諸孫皆習儒業嘉慶二

年知縣王道隆詳請

旌建坊祀節孝祠

上高縣志

卷九 列女 節孝

趙氏景行團任甘肅隴西知縣冷嵩齡妾年二十五夫故守節四十七年卒嘉慶二年知縣王道隆詳請

旌建坊入祠

江氏池貞河北桂林坊遷居廣安柱下盧來鳳妻年十九夫亡守節敬事翁姑遺腹生子許濂身列成均嘉慶十年

知縣許敦仁詳請旌建坊祀節孝祠

潘氏忠城團胡廷詩妻唐良團潘之瑛女年二十夫故誓相從地下既思二老無人奉養強起支持遺腹生子繼宏

仰事俯育一身肩之繼宏以邑庠貢成均孫蘇範邑庠生蘇澤拔貢生皆氏教也嘉慶十四年知縣劉丙詳請

旌建坊入祠

李氏河北團增生鄭際亨妻年二十三夫故撫孤守節二十二年卒嘉慶十四年知縣劉丙詳請

旌建坊入祠有傳見藝文

李氏 河南團嚴繼述妻年二十二夫故遺腹生女繼姪為嗣
旌建坊 入祠 撫之成立守節三十餘年知縣劉丙詳請 題

李氏 報貞斗門下房黃永慶妻年二十夫與翁姑相繼而亡
旌建坊 入祠 夫弟幼穉祖翁姑年已衰邁矢志守節敬事二老以壽
終喪葬盡禮夫弟預其攜持得以成立繼姪為嗣延師教
讀不少姑息鄉里賢之嘉慶十五年知縣劉丙詳請 題

朱氏 忠城團監生杜文江妻高安朱廷成女年二十二夫亡
旌建坊 入祠 事姑以孝聞撫孤極愛憐然稍違禮法即施夏楚嘗曰
非不愛子姑息之愛吾不忍為也課諸孫亦然生平嚴厲
自處不輕笑言族黨有貧乏者周恤不吝子飛漢監生嘉
慶十五年知縣劉丙詳請 題

趙氏 河北團監生鄭集錦妻河南南團趙尚孝女二十九歲夫
旌建坊 入祠 卒守節養姑教子成立嘉慶二十一年詳請

上高縣志 卷九 列女 節孝 七

旌表建坊 虞氏 河北團楊顯權之妾安徽休寧縣虞際時女二十四歲
夫歿氏守節奉養翁姑撫育幼孤成立身列成均嘉慶
二十四年署知縣唐尚倬詳請

馮氏 廣東番禺縣馮文廣女年十九歸鎮渡江駿龍為妾時
旌表建坊 駿龍官廣東仁化縣巡檢公出氏進署嫡李氏擬俟擇
吉成婚駿龍於差次邁疾旋署數月卒嫡為諭歸母家另
擇良配氏以身入江門雖未親抱衾裯名分已定誓不他
適遂同扶櫬歸里矢志守節嫡旋歿氏綜理家政繼從子
為嗣以成夫志道光元年署縣成啟恩詳請 題 旌建坊

黃氏 洛貞武生黃輔鼎女上京陂東邊李含輝妻也生二子
而含輝病氏年二十七歲訣時執氏手指長子祖陶囑
曰此子姿性穎達迥異凡兒吾不及見其成立汝當勤加
策勵慎毋姑息隳吾志也夫卒茹苦勵節上奉甘旨下課
詩書數十年如一日性孝謹事繼姑如事翁尤敬禮師儒
節儉所餘悉以供延師購書之費已而祖陶登賢書負文

節儉所餘悉以供延師購書之費已而祖陶登賢書負文

名皆氏課讀之力也嘉慶二十五年編修鄭秉恬時爲教習以氏與季姒江氏節行赴部呈請旌表

江氏

蘭貞監生江立中女李含輝胞弟含芬妻也年二十生

燈如豆共操作機聲紡聲鷄鳴不休其孝親敬長撫孤課子諸大節與黃氏無異同建坊入祠

陳氏

蘭貞修仁儒士黃煒倫妻乾隆壬寅夫以瘵疾亡氏年二十五遺二孤長鴻五歲幼鵬二歲翁姑俱衰老善病

氏矢志守節孝以事親慈以訓子儉以自奉勤以持家卒能拓充祖業二子俱入成均道光二年知縣任之楷詳請

旌建坊

彭氏

廣安社田監生羅克剛妻性慈淑事翁姑能得其歡年二十六夫亡矢志撫孤冰霜自勵理家政井井有條尤

喜施與族黨姻隣有緩急告者悉得其意以去道光三年知縣林元英詳請旌建坊

李氏

河北周士鼎妻年二十三夫亡紡績以給饗殮無愠色撫孤成立以母道而兼父道年六十歲卒知縣王樸匾

上高縣志

卷九

列女 節孝

八

旌柏舟令範 林志 據舊劉志續編補

况氏

河北團庠生鄭必元妻年二十四歲守節九十一歲終知縣王樸匾旌冰霜令範

鄭氏

河北李宜崙妻夫亡守節知縣王樸匾旌慈孝可風

李氏

河北團鄭啟定妻夫亡無嗣十八孀居年登上壽知縣徐士鑑匾旌玉潔冰清

吳氏

河西大塘邑庠况有光妻年二十九歲夫亡守節完操知縣張照乘匾旌苦節可欽

吳氏

辛義下胡正瑛妻年二十七守節七十二歲歿

伍氏

辛義下胡正琦妻年二十五守節六十九歲歿知縣趙頤與前正瑛妻吳氏並匾旌節凜秋霜

吳氏

寧泰小港喻煌燬妻年二十九守節完操知縣周璋匾給柏舟清韻

鄭氏

辛義下團嶺下邑庠生陳天球妻年二十七夫亡守節五十餘年歿知縣華西植匾旌節凜冰霜

黃氏 河西團大塘況鼎鍾妻年二十一歲守節知縣白烟匾旌節孝兼優

趙氏 河南廖天豹妻茹苦守節知縣劉給匾旌之

盧氏 孝義陳裔佳妻年二十四守節卒年八十七歲知縣劉師亮匾旌宜爾子孫劉逢奇匾旌節著松筠

黎氏 唐良邑庠潘化龍妻年二十八夫亡守節五十一年歿知縣劉匾旌

晏氏 唐良監生潘成章妻年二十四守節七十一歲歿知縣劉匾旌

黎氏 唐良潘鍾顯妻年二十四夫亡守節四十六歲歿知縣蕭勛匾旌

吳氏 上京陂李之義妻二十八守節卒八十四歲知縣黃本直匾旌節堅松柏

曹氏 德義上道陂盧珍壽妻年二十八夫亡家貧子幼苦節六十餘年歿知縣凌西峯匾旌清標萬古

李氏 仁里晏義國妻夫亡守節全貞知縣洪匾旌節壽重光

上高縣志 卷九 列女 節孝 九

左氏 蒙安上儒里黃位大妻陳氏黃景祿妻俱年二十四夫亡守節知縣劉逢奇並匾旌節著松筠

黃氏 河西大塘儒士況佩謙妻年二十四夫亡守節二十年歿知縣劉逢奇匾旌節操金石

陳氏 河西大塘況鼎吉妾夫亡守節知縣劉逢奇匾旌松柏同青

羅氏 河西任紹昇妻年三十守節七十一歲歿知縣劉逢奇匾旌節著松筠

陳氏 富港李如珪妻又丁氏李如珠妻俱守節不渝知縣劉逢奇並匾旌節著松筠

喻氏 崇本團洋田儒士羅克憲妻年二十一歲夫亡守節五十九年歿知縣王道隆匾旌操同金石

毛氏 景行團新坊冷橘繼妻年二十五歲守節全貞嘉慶間教授毛士潔匾旌志凌冰雪

黃氏 上京陂石虬渡李聯發妻已旌節婦黃氏之媳年二十五守志如其姑子與仁亦早卒媳黃氏死守自誓三十歲卒累世清節知縣林元英匾旌其間

劉氏 永平團易瑞靜妻年二十一守節卒年七十五知縣張

黃氏 河北儒童李啟盛妻年十八夫亡媳黃氏宗銘妻年二

張氏 南里曹璠文妻年三十守節七十二歲歿子祥祖復早

李氏 崇本團江因嶠妻年二十二夫亡守節年八十歲歿督

皆其孫也

李氏 廣安社田羅與拱妻年二十八歲夫亡翁亦下世事孀

操襲役無難色既而氏亦傳染卒無恙人以爲孝所感云

江氏 上京陂東溪李鳳儀妻年二十九夫故守節二十九年

鄭氏 河西監生傅紹聖妻同媳生員傅彤妻黃氏守節完貞

上高縣志 卷九 列女 節孝 十

戴氏 河西南源儒士羅克桷妻二十七歲夫亡氏紡績自供

五年歿知縣

葉氏 仁里團鍾家渡晏與靜妻年二十九夫亡守節三十四

黃氏 永平郡庠易會成妻年二十八守節全貞又易廷高妻

守節全貞又易兆邦妻仇氏年二十守節完貞知縣林元

鄒氏 忠義上附生易名駒妻年二十六守節完操知縣林元

左氏 北里黃行人妻年二十二守節完操知縣材元英匾旌

徐氏 河西監貢況逢照妻年十八夫亡欲以身殉以承祀無

元英 匾旌

冷氏

忠城泗溪胡德銅妻年二十夫故子甫半歲家極貧氏堅心撫孤十指辛勤以供朝夕知縣林匾旌冰清玉潔

盧氏

崇本洋田羅興葵妻葵力學積勞成疾氏潔齋禱祀親侍湯藥廢寢食者八閱月卒不起氏痛甚絕而復甦者

再既而曰吾不可死吾當為其難者乃上事高堂下撫幼孤以二十九歲守節四十五歲沒未獲旌典里黨悼之

左氏

德義下黃良與妻年二十五守節五十六歲歿

王氏

河西灣溪舉人黃麟書妻麟書貧而好學早登賢書卒之日年甫及壯氏茹荼飲藥苦節四十餘年一子復下

殤宗緒凋零無期功之親遂致乏祀志之於此以見才人數奇而之死靡他者亦可哀矣

葉氏

仁里業儒江清也妻年二十九夫亡守節九十一歲歿

盧氏

上京陂李榮隆妻年二十二守節六十六歲歿

丁氏

仁里李中秋妻年二十二守節六十八歲歿

上高縣志

卷九

列女 節孝

十一

章氏

河西灣溪儒童黃傳臚妻流陂訓導章繼祖女年二十

六夫亡氏艱貞備嘗始終不易其志守節三十五年歿又黃九經妻任氏年二十四守節八十五歲歿黃修文妻

李氏

河西大塘況士璠妻年二十九夫亡守節四十餘年歿

江氏

白土下雙陂李榮元妻年二十八夫亡守節四十五年歿

李氏

辛義中團晏立德妾年二十九守節七十九歲歿

劉氏

河西高湖傅豐崇妻年二十守節七十歲歿又業儒傅

羅氏

受祿妻某氏年十八夫亡守節二十三年歿後塘坑里黃明錚妻年二十三夫亡守節五十年歿

晏氏

唐良樓下潘永藹妻年二十守節七十歲歿又潘吟龍

舒氏

唐良樓下潘鍾岱妻年二十六守節七十歲歿道光庚戌學使張匾旌苦節流芳

冷氏

寧泰喻良祝妻年二十七守節五十八歲歿又喻良桐妻易氏年二十四歲守節五十三歲歿子台榮早卒媳

葉氏年甫二十
三守志亦如之

黃氏

河東瑤坊李鍾新妻年二十二夫故守節三十八年歿

江氏

蒙安下章日會妻年二十四守節六十一歲歿又章崇實妻黃氏年二十四守節五十二歲歿

黃氏

葛步黃河洲邑庠熊朝聘妻年二十七守節六十八歲歿

李氏

河北瑤坊鄭邦煥妻夫亡撫孤守節四十三年歿

汪氏

崇本業儒江孔源妻年二十夫亡撫孤守節三十二年歿

葉氏

港東羅克錫妻年二十一夫故子復天念舅姑在堂忍死撐持三十年節孝兼盡舅姑逝氏竟無病而卒

黃氏

河北鄒祖謙妻年二十六守節六十二歲歿

上高縣志

卷九

列女 節孝

十二

羅氏

辛義中晏善遯妻年二十九守節六十歲歿又晏善避妻李氏年二十七守節六十五歲歿

況氏

河北監生況調元女河西捐州同加二級任集元妻也以夫職

誥

授宜人夫卒時氏年二十九矢志守節集元兄嫂早亡父母繼逝祖父母皆年逾八旬卧病遷延調理湯藥撐持門戶皆一身任之憂勞備至者凡十六年卒之日遠近哀而賢之子倬雲大學生廷美邑庠生

易氏

仁里羅郁文妻年二十守節四十歲歿

杜氏

泗溪邑增胡芝望妻年十七夫亡守節十六年歿

簡氏

舉子聶近文妻年二十二守節全貞

傅氏

唐良潘永菁妻年二十五守節全貞

鄭氏

上蔡劉耀珪妻年二十四守節完操

吳氏 上蔡劉耀球妻年十九守節八十一歲歿苦節完操學使張以柏舟勵志匾旌其門

冷氏 河西灣溪附生黃社昌妻年二十四守節全貞又黃應如妻易氏年二十六守節完操

劉氏 寧泰喻袂榮妻年二十六守節平生無疾言遠色事姑以孝聞

吳氏 下京陂李標盛妻年二十六守節全貞

章氏 蒙安下易宗花妻二十八守節完操

袁氏 白土下邑庠戈發榮妻年二十四夫亡子甫周歲家貧并日而食有勸以改適者矢志不二卒時七十餘

熊氏 後塘黃天錫妻年十九青年守節白頭完操

艾氏 中灣黃燮光妻年十九守節全貞

丁氏 辛義下監生胡浩瀾妻年二十九守節全貞

上高縣志 卷九 列女 節孝 十三

盧氏 辛義下嶺下陳捷元妻年二十七守節完操知縣林元英匾旌壺德雙全

胡氏 河西灣溪儒童黃德吉妻年二十夫喪矢死靡他有遺腹子恩崇十指辛勤仰奉甘旨俯課詩書孝慈兼至舉

旌表建坊 動一衷於禮道光二十七年

黎氏 尉界戴廷鈞妻年二十八守節白首完操

巖氏 白土上儒童吳茂興妻年二十八夫亡不墮夫志延名師課其子及孫又吳永興妻戈氏年二十七守節完操

羅氏 河北鄭立德妻年二十六歲夫亡氏勤紡績供甘旨雖家計極窘而志不移自始至終人無間言

黃氏 西團羅福瀾妻年二十七守節全貞

晏氏 安本監生江瀾妻年二十一守節全貞

陳氏 河北沈朝廣妻年二十八守節白首全貞

陳氏 辛義下胡道花妻年二十四守節七十五歲歿知縣劉逢奇匾旌節者松筠

以上皆舊志

蕭氏 義城下監生袁有誥妻年二十五夫亡欲相從地下翁姑止之曰爾以身殉於義得矣如吾二老及弱女何且爾夫無嗣爾死即欲繼嗣孰為維持氏感悟誓以奉親立嗣養女自任道光八年 旌表

喻氏 栢樹儒童劉兆宗妻二十五歲守節上奉雙親甘無缺每於夜織燈前辛勤課子卒列成均克伸夫志道光十三年 旌表

聞氏 下京陂儒童李金煌繼室二十四歲夫亡依姑為命姑患咳嗽常夜半起奉湯藥嚴寒不倦侍養十餘載姑以壽終每遇翁姑夫主元配生日忌辰必焚香設奠悲啼哽咽事死如生道光十五年 旌表

朱氏 葛步儒童李銘經妻二十歸銘經三年夫卒子在襁褓矢志撫孤氏父必壩籍高官山東商河知縣兄亦官

上高縣志 卷九 列女 節孝 十四

銅仁憫其熒子欲挈之行則曰舅姑在堂且未亡人足不踰閭羈栖蓬華吾分也竟不往道光二十一年 旌表

胡氏 葛步儒童李學泐妻十九結褵允占鳴鳳七年伉儷頓作孤鸞傷玉樹之早摧痛金萱之既萎形單影隻節苦志堅鄉里賢之道光二十年 旌表

熊氏 河南圍附生丁先孚妻二十九歲夫故矢志不渝散財以給貧乏凶荒之歲全活頗多以故人每稱其德於道光十九年 旌表

章氏 孝義童生李國模妻二十五守節繼夫兄三子為嗣姑年九十二氏朝夕侍奉姑忘其老性貞靜不出閨闈族人罕見其面道光二十三年 旌表

羅氏 泗溪附生胡芸妻年二十九夫以嗜學得瘵疾而亡氏不欲生念祖姑舅姑在強起侍養曲盡其孝守志十六年歿病革時深以舅姑年老不克終養為恨道光二十五年 旌表

年 旌表

年 旌表

年 旌表

年 旌表

年 旌表

年 旌表

李氏 百歲儒童黃嗣美妻年十七于歸甫一年夫卒鄰婦憐其少勤以改適氏誓死靡他心雖嚴正性極和平姪女輩學習女紅無不曲盡指示同室從無詬誶聲道光二十五年旌表

謝氏 河北童生陳筠魁妻年十九時夫故七十一歲乃歿苦節五十二年撫繼承祧至於成立鄉里賢之前於道光二十七年旌表

胡氏 河西灣溪儒童黃德吉妻二十歲夫歿家故貧躬操井臼以盡孝養止一子而妯娌子俱數人待之皆如已出道光二十八年旌表時氏年七十六計守節五十七年矣踰數歲始卒

李氏 河北儒士陳定江妻年十七歸陳踰年夫卒堅持清節族有因其年少勸以他適者氏剪髮擲地曰髮可斷心不可改曾捐建西箴書院樂輸辭不受獎同治四年旌表

江氏 河北職員陳斯義妻十五于歸二十而寡髮種種者在堂泣呱呱者在抱氏以一身上下周旋孝慈兼盡同治四年旌表

上高縣志 卷九 列女 節孝 十五

黃氏 崇本燕溪江杼煜妻二十三歲守節事姑盡孝無子撫夫兄子為嗣同治丁卯詳請旌表

以上袁有誥妻蕭氏至江杼煜妻黃氏十四人俱專請

旌表建坊祀節孝祠

聶氏 車溪武生黃鳳鳴妻二十二歲夫故守節撫姪為嗣常擗節以周貧乏仰事俯育備極孝慈鄉里賢之

黃氏 河南丁煥章妻十六歲守節事親訓子始終無倦容

李氏 河南儒童廖林吉妻二十六歲守節備歷艱辛至老勁節彌堅年六十三歿學使張匾旌飲水勵節

李氏 廣安鄧金關妻二十五歲守節撫孤茹蘗歷數十年如一日足跡未嘗踰閩

曹氏 南里廖際唐妻二十九歲守節撫幼子成名鄉里賢之

黃氏 蒙安章蘭芳妻二十一歲守節紡績勤勞教子成立苦節數十年人無異論

潘氏 水口監生胡瑞蘭妻二十四歲守節事親教子一身堅任親見子孫成立五六十茹苦含辛人無間言

李氏 河北鄒羣經妻二十四歲守節撫孤成人白首完操

聞氏 羅仙齡妻三十歲夫故守節十五年歿

李氏 下京陂武生王定元妻二十六歲夫故青年守節白首全貞

吳氏 上蔡趙眉壽妻二十三夫歿矢志守節鄉里稱之

鄔氏 上京陂儒童李宋元妻十八歲夫故守節全貞

章氏 下京陂監生李金綬妻二十三歲守節終始如一

李氏 上蔡袁樂景妻二十九歲夫故守節五十四年卒

上高縣志 卷九 列女 節孝 十六

熊氏 唐良舉人黃毓光妾二十五歲守節松柏之操終始不渝

廖氏 河東王光情妻二十歲夫故守節完操

喻氏 景行廩生冷杲妻二十三歲守節長子早喪與孀媳共處撫幼子成名鄉里稱之

黎氏 德義上盧承璿妻二十四歲夫故守節四十六年終

戈氏 上京坡監生李和梅妻三十歲夫故守節完貞

曹氏 景行監生冷椿妻二十二歲夫故撫二子成立貞節著於閭里

潘氏 河南廖相齊妻二十一歲夫故守節

盧氏 河北陳岱妻十八歲夫故紡績教子至老不倦

江氏 百歲儒童黃光燦妻年二十二夫故有賢德且知書識子甚嚴嘗書忠孝節義事令跪讀之遂傳為家法年三

十三歲歿學使張芾匾旌苦節流芳邑人晏自翹有詩見藝文

李氏 勞松生員陶森妻三十歲守節繼姪為嗣事姑以孝聞

李氏 監生嚴學韓妻二十八歲夫故教養孤兒至於成立

仇氏 後塘儒童黃明誥妻二十一歲守節計三十六年歿

李氏 河南儒童盧許華妻二十八歲守節撫三子成立白首完操

張氏 宗本廩生羅調元妻二十五歲夫故撫姪為嗣守節全貞

袁氏 上蔡廩生黃敏求妻二十八歲守節教子以義方飲水勵志始終不渝

袁氏 廣安儒童鄔典綵妻二十三歲守節完操

黃氏 河北陳錦清妻二十七歲守節壽考全貞

上高縣志 卷九 列女 節孝 十七

羅氏 河北況景慶妻二十八歲守節事姑以孝撫幼以慈白首完貞

趙氏 河南丁光喜妻十九歲夫故守節四十三年歿

況氏 河西監生傅訓妻三十歲夫故上奉孀姑下撫孤子守節三十年歿

潘氏 河西增生況步瀛妻二十六歲夫故菽水承歡荻蘆課讀數十年不倦鄉里稱之

朱氏 西園儒童羅義亨妻二十六歲守節數十年無異志

羅氏 河北萬邦義妻二十六歲守節八十歲歿

羅氏 壽塘下生員李九標妻廿七歲夫故撫夫弟生員際辰之子為嗣待如己出知縣林元英匾旌松齡柏操

王氏 河西監生漆茂興妻二十九歲守節撫姪為嗣子入成均孫遊泮水年八十六卒

張氏 修仁寄居奉新職員戴爾仕妻二十八歲守節全貞

黃氏 下京陂李聯發妻二十九歲守節姑病二十餘年侍奉無怠

謹氏 仁里吳紹忠妻二十八歲守節從一不二茹苦終其身

張氏 修仁職員戴維桂妻廿二歲夫故與孀姑張氏守節數十載孝慈兼盡

黃氏 下京陂李卓然妻十九歲守節三十五歲歿

黃氏 石虬渡李清選妻守節三十六年知縣侯匾旌冰雪貞操

鄒氏 河北鄭秉禮妻二十而寡繼夫兄子為嗣旋卒誨孫元輔入泮舍茶茹苦砥節三十餘年五十二歲卒

熊氏 下京陂儒童李喜南妻年二十夫故誓以身殉家人力勸始已守節二十九年歿

羅氏 後塘黃曲成妻二十三歲守節砥志教子終全苦節

況氏 田心黃明壽妻二十五歲守節撫幼子乳季叔遭家迍邐苦心撐持年九十四五世同居

上高縣志 卷九 列女 節孝 十八

陳氏 百歲黃緯英妻年十八孀居無子撫繼成立四十歲歿

羅氏 後塘生員黃昕妻年二十夫卒於吉安旅舍氏聞訃哭瀕死逾月迎柩歸葬子僅一歲教育不懈宗族敬之

吳氏 下京陂李崙玉妻二十一歲夫亡守節五十餘年

羅氏 黃俊懋妻三十歲守節姑老子幼茹荼數十年

熊氏 柏溪生員劉熿然妻二十四歲守節事姑訓子三十四而歿

江氏 後塘童生黃明謨妻二十一歲生子甫月餘夫故事姑以孝聞姑歿喪葬盡禮八十歲歿

黃氏 河北陳觀淮妻二十而寡甘貧茹荼和九訓子歷六十年

江氏 後塘儒童羅福雷妻二十九歲守節闡範足式六十七而終

沈氏 陶於詩妻二十八歲守節計五十三年歿

黃氏 洋田例授布經歷羅士鴻妻二十六歲夫亡無子爲夫立嗣終身布素服闋後猶設位於臥室早晚祀奉每旦虔誦觀音經唄於其側冰霜永矢克盡孝慈凡二十二年而歿

聶氏 忠城胡景峻妻二十二歲夫故守節六十一歲歿

潘氏 河西況福甯妻三十歲守節事姑孝謹撫幼仁慈五十九歿

廖氏 橫江廩生胡學演妾二十四歲守節計五十年卒

彭氏 洋田羅克蟾妻年十九歸羅越十月克蟾卒撫姪爲子守節三十年歿

盧氏 河西童生黃俊顯妻二十三歲守節訓子成名四十三歿

况氏 河西監生黃廷典妻二十四歲守節事親訓子克盡其道四十八歲歿

胡氏 辛義中儒童黃世勛妻二十九歲守節計二十四年卒

上高縣志 卷九 列女 節孝 十九

劉氏 後塘黃傑構妻十六歲夫故子女俱無姑慮青年難守諷以他適誓不二天以夫兄子爲嗣清節至老不變

甯氏 南里潘義和妻二十八歲守節五十餘年歿

甯氏 下京陂李星輝妻二十六歲守節計五十餘年

陳氏 河北沈朝廣妻二十九歲守節六十四歿

傅氏 忠義易在中妻二十歲守節奉姑撫幼茹苦二十七年卒

黃氏 上京陂李大耀妻二十七夫故守節至六十四歲歿

易氏 河西黃士商妻二十九歲守節計四十餘年

廖氏 尉界童生李必元妻二十八歲守節八十二歲歿

胡氏 忠城杜樂伯妻二十八歲守節四十餘年貞操不改

晏氏 大塘況添福妻二十八夫亡夫弟年幼姑老乳竭代哺以至成立守節五十六載歿

漆氏 河北鄭明金妾二十三歲守節集蓼茹蘖五六十憚艱辛

陳氏 百歲黃德仲妻二十五歲守節生一子瞽而殤天撫孫慈惠紡績以事孀姑姑死哀痛而卒

駱氏 鎮渡石牆江孔瑞妻二十九歲守節撫猶子承祧事孀姑盡禮年六十八歿

游氏 翰堂左希堂妻十九歲夫故父逼再醮以死自誓守節至九十三歲歿

黃氏 東園熊良躬妻二十五歲守節遺腹生一子家貧紡績自給姑早逝獨力撐持教孫光大入泮年六十餘卒

羅氏 東園熊維鍾妻二十二守節與媳黃氏同勵清操曾孫光輝名列成均

晏氏 甯泰喻懷遠妻二十八歲夫卒守節五十餘年

鄧氏 河南童生嚴德俊妻二十六夫歿以媳代子事姑至孝剛烈之操老而不餒

上高縣志 卷九 列女 節孝 二十

漆氏 河西傅鶴聖妻二十二歲守節一子早逝勁節不摧入十六歿

晏氏 河南丁光孟妻二十九歲守節四十七年歿人無間言

羅氏 忠城伍景樸妻十七歲夫故守節十三年歿

黃氏 洋田羅華邦妻廿九夫亡誓以身殉眾勸強起咸豐辛酉粵匪將近族已起團勇氏扶病早避且呼鄰婦曰男

子在軍婦人宜先遠走毋坐受辱也未幾歿守節四十年

喻氏 景行冷任璠妻二十三歲夫故一子早逝撫孫成立苦節清操老無遺憾

黃氏 河南附生李敷榮妻二十二歲夫亡遺生一子茹苦餐辛撫孤成立守節四十八年卒

江氏 上京陂李家琮妻二十四歲守節奉上逮下孝慈無虧愈老愈篤

戴氏 河北李家琦妻二十一歲守節計四十八年歿知縣林匾旌

易氏 後塘監生况憲章妻二十九歲夫歿教子入泮歷數十年不出閨闈每夜殘燈如豆猶聞機杼聲鄉里賢之

游氏 崇本江因濤妻二十三歲夫故長子二歲次子遺腹生延師誨之中副車人以爲苦節尊師之報七十一歲歿

戴氏 仁里李祥校妻二十九歲守節勞苦畢世人皆憫之

况氏 仁里李世元妻三十歲夫亡撫孤成人自始至終人無間言

陳氏 辛義下童生胡學浚妻自二十四歲守節計二十五年歿

王氏 景行童生冷如意妻二十二歲夫故六十七卒守節四十六年

黃氏 東園熊高賢妻二十六守節教子誨孫俱遊泮水六十歲卒

楊氏 河北况必顯妻二十六夫故守節七十九歲歿

晏氏 東園聶匡其妻二十五歲守節遺腹生一子教以義方行敦名立至老督責猶嚴

上高縣志 卷九 列女 節孝 二十一

廖氏 河南丁麟書妻三十歲守節冰霜自勵三四十年人無異論

張氏 西園羅福仁妻二十二歲夫故守節五十餘年

况氏 河南丁自明妻二十一歲夫故繼叔子兆棠爲嗣教養兼至卒能成立張濟窮乏人多稱其節義年三十七歿

以上黃鳳鳴妻聶氏至丁自明妻况氏共一百四人於咸豐二年彙請

旌表建立總節坊祀節孝祠

游氏 下田北王維南妻十九歲守節奉姑孝順教子成立年五十二歿

章氏 礮村監生易允升妻二十八守節奉姑育子勤苦不懈七十二歲歿

陳氏 上京陂李家謨妻二十八歲夫歿清苦自矢勁節凌霜五十九歲歿

盧氏 廣樂袁家冬妻二十八歲守節七十二歲歿

胡氏 忠城聶瑞伯妻二十四歲守節道光三十年學使張芾
匾旌孝竹貞松七十四歲歿

羅氏 景行仙姑堆冷由健妻二十八歲守節八十五歲歿道
光十二年知縣甯雲程匾旌鶴算松操

潘氏 河北附貢鄭明馨妾二十五歲守節足跡不出閨閫學
使張匾旌守義全貞八十九歲歿

潘氏 大塘拔貢況大經妻二十九歲夫故飲藥茹荼六十七
歲歿

熊氏 西團羅達亨妻二十五歲守節清潔自持未嘗少滋物
議五十四歲歿

羅氏 東團熊疏維妻二十六歲守節撫孤成立孫入泮學使
張匾旌柏舟勵志七十二歲歿

李氏 百歲黃拔元妻十九守節玉潔冰清四十一歲歿

鄭氏 河南儒童趙立興妻二十九夫故欲以身殉既思死節
小而承桃大遂立志撫孤不幸早卒

上高縣志 卷九 列女 節孝 三十三

傅氏 鈞石塘晏光大妻十九歲夫故教子化鯤成名學使張
匾旌斑管揚芳四十四歲歿

黃氏 鈞石塘晏定世妻二十二歲守節五十五歲歿學使張
匾旌苦節流芳

黃氏 河南趙令顯妻二十八歲守節謹言笑毀容狀孝事姑
嫜三十五年歿

廖氏 舉子聶全鰲妻二十歲守節有諷以他適者氏曰身可
死節不可變也五十八歲歿

左氏 德義上道溪盧承順妻十九夫亡無子撫夫兄子為嗣
沉默寡言杜門不出歷二十二年卒

況氏 河西施虎華妻二十四歲守節貧苦自甘偶有酒肉留
以養姑每於燈前教子卒至成名歷五十四年歿

江氏 百歲廩生黃希魯妻三十歲守節一子早殤撫姪孫鴻
達為嗣家故貧辛苦備嘗八十歲歿

謝氏 後塘羅興祿妻二十三歲守節夫病甚以親老子幼囑
氏泣下折筭自誓卒成夫志歷五十六歲歿

晏氏 後塘羅興添妻二十八夫亡家計窘迫雖困不渝守節
三十年歿

陳氏 洋田羅崑邦妻三十歲守節家貧以紡績供饋粥育三子皆成立學使張匾旌慈節可風歷四十二年歿

劉氏 河北儒士鄭秉世妻十九歲夫故一子甫二歲薄田數畝辛苦教子至於成立氏遂卒年三十

盧氏 百歲監生黃南極妻年二十六夫故建景高書院捐金三百錢撫匾旌閨閣之賢教子有融於同治乙丑入洋

人稱其節義 四十九歲歿

江氏 蒙安上熊象美妻二十八守節循規矩邑賓與會議補捐氏慷慨樂輸五十一歲歿

易氏 樓下儒士潘家駱妻二十三歲守節遺腹生子家貧茹苦孝慈克盡學使張匾旌飲水勵志七十三歲歿

晏氏 大塘增生況汝賢妻二十六守節痛不欲生遂成癆病延十餘年歿學使張匾旌苦節完操

潘氏 河東李元興妻二十九歲守節遵夫遺囑晝夜九熊殷勤教子六十三歲歿

楊氏 堆峯晏典本妻二十一歲守節學使張匾旌松筠勵節六十歲歿

上高縣志

卷九

列女 節孝

二十三

游氏 堆峯晏 妻十九歲守節七十二歲歿學使張匾旌水心永矢

宋氏 百歲監生黃芭孫妻十八歲守節四十二歲歿 李氏 河南儒童段學城妻二十

朱氏 河南廖天壽妻二十五歲守節七十二歲歿 黃氏 河南儒士嚴德康妻二十

羅氏 河北李啟棠妻二十三歲守節年四十六歲歿 喻氏 河北儒童鄭光元妻二十

江氏 河北李啟柳妻二十九歲守節五十八歲歿 李氏 崇本燕溪江抒繡妻二十

黃氏 上京陂李蓮耀妻二十六歲守節五十九歲歿 雷氏 辛義下劉尙狀妻二十八

李氏 西團羅允伶妻二十九歲守節五十五年歿 冷氏 西團羅釵亨妻二十九歲

盧氏 西團羅允樑妻二十九歲守節五十七歲歿 晏氏 修仁黃縹祖妻二十八歲

劉氏 修仁黃淪書妻二十四歲守節計十三年歿 廖氏 景行監生冷炳黎妻十九歲守節計三十年歿

魯氏 景行冷任孟妻二十四歲守節計十三年歿

任氏 東團附生熊景暉妻二十八歲守節五十八歲歿

況氏 西團羅遠亨妻二十九歲守節四十八年歿

黃氏 廣安羅允達妻二十四歲守節六十二年歿

江氏 廣安羅允瑛妻三十歲守節計十八年歿

吳氏 辛義下胡順方妻二十歲守節六十歲歿

陳氏 辛義下胡名花妻二十三歲守節七十七歲歿

黃氏 南里曹煌隆妻二十九歲守節八十二年歿

胡氏 廣安袁丹振妻二十歲守節七十七歲歿

熊氏 東團游德發妻二十七歲守節六十七歲歿

李氏 深村黃錫爵妻二十九歲守節五十一歲歿

傅氏 蒙安上羅亨錦妻二十歲守節七十七歲歿

嚴氏 修仁黃登禾妻二十九歲守節五十八歲歿

黃氏 河西傅功洪妻二十九歲守節七十二歲歿

鍾氏 後塘黃盛茗妻二十九歲守節六十八歲歿

李氏 甘堆上晏順從妻二十歲守節七十三歲歿

晏氏 河西灣溪黃德清妻二十四歲守節四十五歲歿

李氏 百歲黃一枝妻二十七歲守節七十三歲歿

胡氏 景行冷福榛妻二十八歲守節四十九年歿

況氏 西團羅允瑛妻二十八歲守節三十七年歿

江氏 上京陂李和順妻十九歲守節七十二歲歿

李氏 廣安羅興試妻二十九歲守節六十四歲歿

曹氏 河北游仁純妻二十一歲守節年八十四歿

袁氏 辛義下胡觀炳妻二十六歲守節五十七歲歿

晏氏 舉子萬豐盛妻二十七歲守節計十八年歿

李氏 廣安胡承順妻二十八歲守節六十八歲歿

袁氏 蒙安上熊踐秦妻二十八歲守節五十八歲歿

鄭氏 東團蕭北達妻二十五歲守節六十五歲歿

羅氏 東團熊子鏡妻二十六歲守節七十歲歿

龍氏 洋田羅亭座妻二十七歲守節六十歲歿

晏氏 修仁黃顯昌妻二十九歲守節七十九歲歿

丁氏 河西傅德惕妻二十八歲守節六十二歲歿

晏氏 全安上李得建妻二十三歲守節七十四歲歿

黃氏 翰堂左師聯妻十七歲守節三十四歲歿

潘氏 河西灣溪黃功康妻二十九歲守節計四十餘年歿

胡氏 全安上李名淑妻二十六歲守節七十二歲歿

上高縣志 卷九 列女 節孝 二十四

朱氏 忠城杜惟祿妻二十九歲 况氏 崇本江學綸妻二十九歲 守節五十餘年歿 節九十二歲歿

黃氏 河東夏遠咀妻二十八歲 陶氏 河北團萬仁美妻夫亡守 守節六十三歿 節八十九歲歿

喻氏 南槎羅興禮妻歸禮三年夫卒與妾齊氏守貞不二學 使張區旌柏舟共矢

游氏 南槎羅允墨妻年二十五夫故誓不他適學使張區旌 形管揚芳

以上已故節婦

喻氏 西團廩生羅超妻二十九歲夫故守節不出閨壺教子 入泮學使張芾匾旌節操冰霜現年六十七歲

葉氏 西團儒士羅福孔妻二十一歲守節寒燈冷帳志不稍 移學使張區旌節操冰霜年六十八歲

巢氏 西團儒士羅寅亨妻二十五歲守節學使張區旌節操 冰霜年六十五歲

黃氏 洋田羅運錢妻二十三歲守節撫孤以恩事姑以孝年 五十七

上高縣志 卷九 列女 節孝 二十五

鄭氏 河西漆啟本妻二十九歲夫故子在乳哺茹苦餐辛撫 養成立年五十九歲

李氏 百歲黃發成妻二十三歲夫故守節紡績以育子孫其 清苦見重鄉里年六十九歲

盧氏 百歲監生黃廷輝妻十九歲夫故治家以禮持身以義 清苦自勵家雖貧而亦足自給年五十二歲

張氏 百歲監生黃泰敷妻年十八夫故儉以持家嗣子象環 入泮人以爲苦節之報年六十九歲

鄒氏 崇本業儒江日初妻二十五歲守節家故貧嚼冰嚙雪 終無他志年六十九歲

羅氏 崇本儒士江元春妻二十八歲守節敬姑嫜和妯娌人 無間言年五十四歲

李氏 修仁簡學璘妻三十歲守節撫孤成立孝養高堂年六 十二歲

劉氏 百歲舉人黃絨繼配二十四守節已無所出撫原配子 若孫不啻己生年五十歲

晏氏 百歲團舉人黃式丹妻三十歲守節清操自矢慈惠好 施稱貸不計其償年七十三教子憲會已食餼膠庠

王氏 百歲童生黃陽春妻二十二夫亡親操井臼艱苦備嘗
年五十三

吳氏 修仁上灣邑庠黃堂妻二十七守節事姑盡婦道撫二
子成立冰操刻勵人無間言年五十三歲

何氏 洋田武舉羅本繼室二十九守節教子成名卒成夫志
年五十一歲

李氏 正全安歐陽慶妻二十歲守節學使徐匾旌畫荻流芳
年五十八歲

胡氏 牟田儒童冷挺惠妻十九歲守節學使張匾旌柏舟勵
志

塗氏 牟田邑庠冷煒祥妻二十七歲守節事姑撫稚一力措
年六十一歲學使張匾旌柏舟勵志

黃氏 高湖舉人傅壽朋妻二十八歲守節遺腹生一子辛勤
教育入泮成名年五十一歲

吳氏 上京陂監生李繼龍妻幼寡無出撫姪國泉為嗣一切
義舉慷慨捐助其閨範尤為鄉里稱年五十二歲

晏氏 蕭坊儒士蕭必祥妻二十九歲守節家貧日夜紡績教
子孫成名人以爲苦節之報

傅氏 蕭坊蕭我定妻二十八歲守節永矢清操撫二子成立
其孫曾亦讀書成名

錢氏 蕭坊蕭浩然妻二十六歲夫亡生子甫五月持家勤儉
撫孤成人其曾孫入泮

盧氏 洋田羅會言妻二十八歲守節姑性嚴能得其歡心遺
孤一教之成名年五十二歲

吳氏 翰堂左金龍妻二十七守節勤儉持家義方訓子年五
十歲

丁氏 翰堂左細任妻二十七而寡堅操不二積德好施年五
十歲

李氏 崇本江宗耀妻二十五歲守節矢志靡他事上克孝學
使張匾旌飲冰勵節

汪氏 全安下喻賢宗妻二十二歲夫卒守節學使徐匾旌節
勵冰霜年六十三歲

黃氏 河北職員鄭孚吉妻二十二夫故痛不欲生因念孤子
無依勉起支持卒能教子成名以伸夫志年六十二歲

李氏 河北鄭撫吉妻二十三歲夫故絕食瀕死者數家人以
育後勸始起教子孫甚嚴故成名者多年八十餘

上高縣志

卷九

列女 節孝

丁氏 舉子萬章標妻年二十夫亡守節不二學使張獎以柏舟勵志匾額

陳氏 上京陂李家詔妻二十二守節孝事姑嫜勤理家政年五十三歲

周氏 甯泰庠生喻謙亨妾二十九歲守節言動以禮鄉里稱為完節邑令彭匾旌志貞行潔

黃氏 河北儒童鄭錦元妻二十七夫故氏撫孤守節紡績辛勤寒暑不輟現年五十一子入監連舉二孫

江氏 河北坑林李宗勁妻二十六歲守節教子讀書以母道兼父道年七十

李氏 河西灣溪黃杏顯妻二十七歲守節無厚蓄養親撫孤非紡績所得勿食年六十六歲

李氏 忠城冷詩傳妻二十八歲守節紡績至老不倦 熊氏 蒙安上甘元宗妻二十四歲守節現五十二歲

涂氏 上京陂李家燦妻二十四歲守節現五十二歲 熊氏 橫江湖廣相妻二十九歲守節年五十二歲

吳氏 橫江湖廣淦妻二十八歲守節年五十一歲 況氏 忠城聶鐸貴妻二十六歲守節年六十八歲

上高縣志 卷九 列女 節孝 二十七

龔氏 河西監生況學禮妻二十五歲守節年七十一歲 傅氏 河北鄭鴻順妻十九歲守節年五十五歲

鍾氏 德義下黃盛魁妻二十三歲守節年五十六歲 陳氏 德義下黃蘭生妻二十八歲守節年五十二歲

嚴氏 河東儒士王謨宏妻二十七歲守節年六十五歲 黃氏 唐良庠生晏德坤妻二十四歲守節年六十歲

黎氏 唐良晏德行妻十八歲守節年六十六歲 江氏 上京陂監生李旭初妻二十二歲守節年五十一歲

胡氏 上京陂職員李繼初妻二十四歲守節年五十五歲 黃氏 上京陂李家福妻二十八歲守節年六十五歲

羅氏 河北監生沈俊傑妻二十六歲守節年五十九歲 黃氏 東團熊朝康妻二十七歲守節年七十二歲

龔氏 東團熊重泰妻二十七歲守節年六十二歲 毛氏 廣樂袁茂勝妻二十四歲守節年七十三歲

吳氏 忠義上易書務妻二十一歲守節年六十一歲 吳氏 西團羅運鳳妻二十七歲守節年五十七歲

況氏 西團羅運有妻二十九歲守節年六十一歲 熊氏 西團羅英亨妻二十七歲守節年五十一歲

魯氏 西團羅福華妻二十七 鄒氏 後塘黃傑鎮妻二十八守

巢氏 西團羅祿亨妻二十八 彭氏 辛義下胡有殿妻二十三守

朱氏 廣樂袁裕聲妻二十七 潘氏 堆峯晏家煒妻二十四守

袁氏 辛義下胡有令妻二十 黃氏 馬湖附生曹筌妻二十九守

黃氏 辛義下舒錫福妻二十 易氏 蒙安下章福桂妻二十五守

李氏 尉界王珍龍妻二十七 況氏 河北游倫秋妻二十一守

黃氏 東團附生熊桂林妻二十一 晏氏 河北況得慶妻二十八守

鄭氏 河北況大勳妻二十七 朱氏 廣樂袁瑜瑾妻二十七守

葉氏 甯泰儒士羅賤亨妻二十一 黃氏 後塘盧維棟妻二十六守

上高縣志 卷九 列女 節孝 二十八

孫氏 後塘盧功德妻二十八 鄭氏 尉界藍長壽妻二十一守

簡氏 義城下袁自彥妻三十 李氏 蒙安上熊安普妻二十六守

黃氏 蒙安上職員熊光斗妻二十五 周氏 河北李宗孔妻三十守

蕭氏 變田黃翼如妻二十八 戴氏 河西黃錫英妻二十九守

黃氏 河北李盟經妻二十六 晏氏 修仁簡盛行妻二十一守

左氏 河西黃文英妻二十九 熊氏 河西黃士璠妻二十九守

甯氏 河西黃寶林妻二十六 仇氏 後塘黃明珏妻二十六守

何氏 百歲監生黃惟昇妻二十一 盧氏 後塘黃棟材妻二十二守

林氏 後塘黃俊欽妻二十七 黃氏 尉界藍興柏妻二十九守

鄧氏 河北李盟高妻二十六 任氏 河北況祥徵妻二十二守

劉氏 忠城杜華訓妻二十四 楊氏 河南李光岷妻二十三歲

黃氏 尉界戴繼錫妻二十八 李氏 義城下晏壽倫妻二十六

李氏 河南丁思訓妻二十七 廖氏 南里曹玉麟妻二十二守

劉氏 義城下晏前端妻二十 宋氏 百歲監生黃砥柱妻二十

廖氏 南里曹紱麟妻十六歲 嚴氏 河南李欣和妻二十六歲

陳氏 堆峯晏清和妻二十七 高氏 欽仁鄒禹翼妻二十五守

龔氏 東團聶全雨妻二十六 張氏 修仁寄居奉邑戴如寶妻

宋氏 欽仁從九鄒禹正妻二 劉氏 下京陂李騰衡妻二十七

上高縣志 卷九 列女 節孝 二十九

黃氏 下京陂李騰芳妻二十 黃氏 河南丁兆洲妻二十六歲

陳氏 忠城杜禮福妻二十八 胡氏 忠城杜樂百妻二十六守

江氏 廣安鄧永忠妻二十一 吳氏 廣安羅克途妻二十八歲

黃氏 上京陂李家學妻二十 何氏 河西施日早妻二十九歲

易氏 北里鄒如鈺妻二十四 李氏 河西黃士文妻二十歲守

左氏 河西黃永垣妻三十歲 楊氏 百歲監生黃熾昌妻二十

龔氏 河西黃德瑗妻二十七 傅氏 東團熊景雲妻二十二歲

盧氏 後塘黃傑僕妻二十七 熊氏 東團河墩廖冬至妻年二

簡氏 義城下袁有恆妻二十 以上現存節婦

節烈

明

李氏 毓貞全安上團李幼隆女晏廷相妻正德七年春華林盜掠其家執之義不受辱給以取金自贖盜釋之逸入

牀下憤罵賊怒甚叢槩以死見省志

丁氏 舉子聶端冕妻正德間華林賊起被獲不屈拽至黃者嶺殺之時年二十七同死者有廖啓妻王氏至今人稱

為雙節嶺見省志

嚴氏 河北鄭奇秀妻年十九夫亡子幼有謀娶者乃自戕一目誓不更適後子天撫孤孫楷至於成立艱苦備嘗年

入十六卒縣令給予貞順額獎之見省志

況氏 美貞河南李昭妻歸昭四年夫病焚香禱祝願以身代昭死氏哀痛迫切仰天憤呼曰吾夫無子不死何待持

上高縣志

卷九

列女 節烈

三十

刀自殺始與妯娌勸慰暗地以石槌胸滴水不入繼夫三日而死萬歷二十二年陳按院題旌見省志

鄭氏 祿貞河北武生況紹修妻崇禎末窩賊破城民潰散氏年二十六抱半歲女從一老嫗避匿北門岡上園中為

賊所執奪其女欲污之氏持女不釋且罵賊怒殺女罵不絕口賊愈怒褫其衣掉刀擊之罵益甚遂剛兩目斷喉去

老嫗幸存報其家兄九桂奔走其屍以禮葬下陂橋祖山一時聞者哀之士大夫皆以詩弔詳城變錄中院道上聞

值鼎草未及旌揚微天留老嫗貞魂幾埋歿千古矣故表而志之見省志

國朝

金氏 蘇州人蘇州府經歷河北鄭鴻圖妾鴻圖罷歸逾年疾篤念氏年僅十九惟母隨養無姊弟之親囑令改適氏

以死自矢鴻圖歿母復諷之氏正色曰必如母言訣在今日矣乃止氏讀書通經史大義工詩文字畫亦端秀性孝

慈事上撫下各盡其道雖家遭回祿旨蓄蕩然而處之恬如既十年矣忽流言謂將有異志氏慨然曰翁既亡吾事

畢矣計惟一死自明然神色如常故家人莫之覺也日曛
嚙指瀝血留書河畔訣家人自沈於水過者救之獲甦家
人問故曰不干他人我自完我事耳再四慰之志不回也
發其書書依駢體引古節婦烈女以自道其之死靡他全
節義而存綱常之意詞義凜然悽惋中無一字涉怨誹邑
人廖廷佐悲其志為序其事以傳且勉以從容就義當為
其難者遂屏居一樓
刺繡自給以終其身

以上舊志

晏氏

河北瑤坊監生鄭承業妻咸豐十一年七月賊至氏隨
一老嫗逃避遇諸塗賊欲污之曰從我與汝金飾否則
殺汝老嫗說以權宜死氏怒曰吾頭可斷身不可辱也
賊亂斫之三日後探其尸尚未腐人以爲烈氣不散云

漆氏

西團水口羅福緞妻咸豐十一年賊竄境武舉羅裕等
率團勇禦於野雞塢戰敗氏未及逃賊猝至逼之氏堅
執不從賊劫以兵罵不絕
口賊支解之並焚其廬

上高縣志

卷九

列女

節烈

三十一

劉氏

水口羅九亨妻咸豐十一年粵匪入境團勇禦之敗氏
奔賊蜂擁而至遂爲所掠氏極口罵賊賊殺之

何氏

北里鄒元五妻咸豐辛酉賊至氏義不受辱先投水死

漆氏

河北況寶慶妻咸豐辛酉賊竄城欲污之氏堅拒遂爲
所殺

黃氏

河南羅允貴妻咸豐十一年賊入境團勇失利氏奔賊
追執之不屈罵賊死

傅氏

東團熊景雲妻咸豐辛酉遇賊欲強污之不從大罵逆
賊遂爲焚死

馬氏

甯太牆裡朱厚烈妻辛酉賊至氏姑目瞽不能行氏守
之被執不辱賊殺之

劉氏

西團水口武舉羅裕妻因夫陣亡悲莫號泣憂憤成疾
不數月遂卒時年僅十九

熊氏

忠義蟠村易丑妻辛酉賊至執之罵賊被殺亡身殉節
貞烈可風

李氏

翰堂左仁興妻辛酉粵匪沿途蹂躪氏行緩被執迫之
從氏大罵遂遇害

黃氏

翰堂左芹芳妻咸豐辛酉賊踞城四出紛擾及氏村倉皇避匿賊尾之知不免遂赴水死

廖氏

大塘況晴川妻二十二歲夫亡未及一月憂憤鬱結牢不可解遂投水死

吳氏

大塘況福成妻夫亡誓不獨生隔日自縊舍身全節鄉人傳為異事

胡氏

河西灣溪黃德添妻年二十六咸豐辛酉為賊所執誓不受辱罵賊赴水賊出之罵益厲遂遇害

李氏

河西灣溪黃寶英妻辛酉方十八歲不受賊污賊殺之投水中

江氏

河西灣溪黃德福妻辛酉年二十七遇賊不辱罵不止賊怒以利刃先斷其舌遂殺之棄諸河

潘氏

河西灣溪黃本英妻辛酉年方十八被賊擄欲強辱之氏且拒且罵賊殺於河

任氏

河西況茂章妻辛酉年三十遇賊堅拒不從遂殺之

況氏

大塘況純女辛酉年僅十六遇賊不辱罵不絕口遂遇害

上高縣志

卷九

列女 節烈

三十三

況氏

大塘從九況文炳女辛酉年二十一不為賊污潔身殞命

漆氏

大塘況丙來妻義不為賊污自刺而死宗族之人莫不哀之

唐氏

大塘況南春妻辛酉之亂罵賊死

胡氏

上蔡大垣袁爵景妻二十四歲夫亡辛酉賊至執之咬傷賊手遂為所殺

蔡氏

大塘衛千況錫光妻辛酉賊執罵賊死

潘氏

大塘例貢況錫圭妻辛酉賊至罵賊死

甯氏

大塘從九況文炳妻辛酉賊執罵賊死

陳氏

大塘況賢才妻辛酉賊至罵賊死

李氏

大塘況云春妻辛酉賊執罵賊死

周氏 大塘沈必旺妻辛酉賊至懼辱自盡

江氏 大塘沈瓊林妻辛酉賊執罵賊死

熊氏 大塘沈至成妻辛酉賊至罵賊死

晏氏 大塘沈荷昭妻辛酉賊執罵賊死

巢氏 大塘沈純妻辛酉遇賊強逼不從投水死

黃氏 六溪任丹桂妻乙卯罵賊死

羅氏 六溪任蚌珠母乙卯罵賊死

傅氏 六溪任省言妻辛酉罵賊死

蕭氏 六溪任廷狀母辛酉罵賊死

上高縣志

卷九

列女 節烈

三十三

貞女

唐

鍾氏 名冠英南平王傳之祖姑許字石虬渡李陵子陵子卒父又別字女割髮則耳誓不再字養父母以終未嘗少怠咸稱為女仙壽九十二歿葬柘湖土地山獅形號仙女墓采鍾氏族譜

明

游氏 奴貞河北岸游仲高之女許字盧節雍未醮而節雍客死氏紡績自守父母欲其改適誓死不從鄉鄰重之呼之為姑時以粟帛贈焉年七十餘卒嘉靖間旌表明一統志


熊氏 年十六許字田心黃廷龍未婚而廷龍亡矢志守節繼姪朝中為嗣年九十二卒長孫確以其節聞直指司道俱給匾旌見省志

上高縣志

卷九

列女 貞女

三四



仙釋志

釋曰寂滅仙曰清淨宅理虛無弗根居敬士棄於世省
煩却病毋搖爾精毋昧爾性是真妙門是大慧定道德
既誣象教亦瑩丹竈福田擾擾斬勝選佛游仙元風不
競作仙釋志

仙

敖真人失其名上高人縣北三里敖嶺為晉敖真人得道之
所有石壇劍石丹竈存焉 名勝志

施肩吾字希水讀書五行俱下唐太和時舉進士隱於洪之

上高縣志

卷九

仙釋

三五

西山作三任銘大略云精氣為物游魂為變凡在萬物之
中其所保者莫先於元氣氣任形任則神任三者既在我
命在我不在於天也又集西山會真記五卷取五行正體
之數每卷五篇應一氣純陽之義自號華陽真人嘗至邑
之白土作淨居寺記 本康熙劉志

按淨居寺在白土為邑九寺之一舊志肩吾列仙釋志
相沿已久至道光間林志始削之蓋緣不知淨居寺記
係肩吾作故也

王敖道人號浪仙入白土洞修道經年題龍居云靈刹倚山

光無塵染洞房雲籠金地暖龍噴玉泉香松竹分幽徑樓
臺聳上方蓬壺人到此僧伴遶迴廊王御史親造其洞贈
以詩云白布襴衫白布裙不羈蹤跡似浮雲而今若有青
牛跨便是當年李老君後不知所往

府志

王蒙道人嘗遊縣西麻塘市李林家林喜植牡丹一日花盛
開曰今歲花好否蒙笑曰看到子孫能幾家及見林弟德
昭以詩贈之有終朝觀草木今日遇芝蘭之句後李德昭
以時事上宋高宗皇帝書稱旨賜通直郎子孫甚盛俱如
蒙言後宿永豐觀道士知爲異人反鑰其戶次早視之不

上高縣志

卷九

仙釋

三十六

見但見椽間一絕云水須大海龍方隱木是梧桐鳳始棲
莫道男兒無去處碧霄雲外有丹梯後不復見

府志

周貫不知何許人曾留詩甘羅觀後尸解於西山將化人間
其幾歲貫曰八十西山作酒仙麻鞋繩斷布衣穿相逢甲
子君休問大極光陰不計年

舊劉志

馮觀國邵武人號無町畦道人幼警悟習儒業旣冠遊方外
刻意神仙術遇異人傳授得導引煉內丹之法凡天文地
理性命禍福之妙皆不學而精人呼之曰馮顛好吟詩一
日宿李宣鄉家放蕩不羈宣鄉叱之遂題詩云南北東西

總是家自知身命屬仙家祇因貪戀一杯酒誤却碧桃千
樹花復至市南化龍坊題詩酒樓若問先生歸去來此行
直是到天台碧桃瑤草紫芝熟到日須容醉玉盃又題詞
於櫟頭廟柱嘲風吟月揮毫染翰算來却是徒然十年狂
蕩無用買山錢假使詩高太白草書還遠勝張顛又何事
精神費盡不解作飛仙如今歸也烏巾短褐拂袖天邊向
羅浮山頂大華峯前一笑白雲萬頃青冥上鸞鶴翩翩渾
無事胡麻飯飽終日弄清泉其字真草相半尾書無町畦
後寓宜春挾術行世人或有譏其醉飲狂怪者以詩謝云

上高縣志

卷九

仙釋

三十七

踏遍紅塵四百州幾多風月是良儔朝來應笑酡顏叟道
不相伴風馬牛又述懷詩云落魄塵寰觸處然深藏妙用
散神仙筆端間作龍蛇走壺裏常挑日月懸漫說人倫來
混世只將酒盞度流年潛修功德歸何處笑指瀛洲返洞
天紹興三十二年季春十四日端坐作偈而逝袁州守李
觀民命塑其真身於治平宮後移澄心院

釋

俱胝自婺州金華來結庵於上蔡門外龍化山開善院傳燈
錄以俱胝奉天龍天龍出一指示得悟

本舊志山川寺觀

通慧禪師嘗駐錫於上高馮村永樂院沒後有真身浮水之異居人爲建石塔宋時僧啟視之仍拱立髮長垂肩

真顛俗姓蕭義城上蕭坊人唐初五祖忍大師嗣衣鉢開講黃梅真顛時以都虞侯侍坐下會五祖潛將衣鉢授六祖六祖賫衣鉢歸新州真顛從五祖座下諸名宿追之不及皆反真顛善走獨窮追至梅嶺六祖見真顛至時道旁有一巨石六祖置衣鉢於其上而身匿莽棘中真顛見衣鉢不見六祖大呼曰能大師能大師我來求法非求衣鉢也六祖始出與真顛語真顛五體投地曰乞師示我六祖遂

上高縣志

卷九

仙釋

三十六

爲說偈真顛頓悟臨別復授以記令其遇蒙則止其處有石如沙彌頭突起土中山門趾也真顛徧覓未得歸里得諸蒙山今聖濟寺是真顛像塑祀蕭氏祠堂寢室族有大災大患禱則必免屢驗

舊劉志

按真顛法名德營上高蕭氏子出家得法嘗祈雨於雲岑嶺登高臺有應衆請留靈跡乃以所焚香布地遂生木枝葉皆香今臺畔有堯木香焉至元庚辰官造海舟河水淺不得出官民祈於師一夕水漲舟出辛巳九月示寂延祐乙未勅謚行廣通慧妙覺禪師

嘉慶劉志跋

道明禪師俗姓陳初爲四品將軍性行龕惡後至大庾嶺參
六祖祖云不思善不思惡正恁麼時還我明上座本來面
目於是大悟汗流浹背又問云上來密語還更別有否祖
云今與汝說卽非密汝若返炤密在汝邊復拜問云我欲
行道向何方去祖云汝今去逢蒙則住遇巖則止於聖濟
開山每旱邑僚士庶上蒙崖禱雨先詣聖濟開建道場然
後入洞虔禱屢獲隨車之應

舊劉志

令超禪師住上藍山鍾南平王迎至洪州住開元寺仍以上
藍名焉僧問如何是上藍本分事師曰不從干聖借豈向

上高縣志

卷九

仙釋

三十九

萬機求曰祇如不借不求時如何曰不可拈放汝手裏

按上藍在今德義下府志載高安以唐時未析置上高
尙屬高安耳

道詮禪師宋開寶間洪師請住九峯崇福禪寺有僧問九峯
山中還有佛法也無師云有僧云如何是九峯佛法師云
石頭大底大小底小又道虔禪師上堂謂眾曰流泉是命
湛寂是身干波競動是文殊境界一旦晴空是普賢牀榻

舊劉

志

通元禪師住九峯郢州程氏子初參德山後於洞山言下有

省住後僧問自心他心得相見否師曰自己尙不見他人
何可觀問罪福之性如何了達得無同異師曰絺綌不禦
寒

省志

道虔福州侯官人姓劉氏受石霜印記化徒於九峯後住泐
潭而終諡大覺禪師塔曰圓寂

景德傳燈錄

異禪師上高蒙山儒家子後家於宜豐之天寶鄉弱冠棄俗
首參百丈漆桶開禪師次之荆湘見公祐禪師師爲白衣
居士求挂搭度夏閱藏經見霞條紺軸腐於蠹魚白主僧
盡啟其函於烈日中暴之未幾驟雨暴至寺眾怒詬師默

上高縣志

卷九

仙釋

四十

祝天龍守護移時雨歇溝澮皆盈獨暴經處雨未嘗濕眾
異之呂保相聞其事給以度牒易名德易仍依祐禪師祝
髮爲僧受足具戒後參鏡山虛堂禪師問達摩西歸遇宋
雲奉使公案遂指入閩見鼓山長老皖山凝禪師數年深
造闡域凝遂付衣鉢嘗自贊云淮甸村僧無法可傳丹青
描不盡五彩亦徒然因禪直下乘當去十八灘頭浪拍天
後任浙西嘉興府澱山普光王禪寺元朝崇釋教設官總
統有亢講主奉旨南來欽聞風道首造其室相與詰難連
日因與背講華嚴亢益敬服其道大顯於吳中作小庵於

當門名以休休戶外履恆滿名達京師至元辛卯兩詔不起王公貴人多師事之願施財百萬卜地建菴以廣安衆辭不獲得劉中書府第數百楹改爲佛屋爲今休休菴高麗國王聞其名因僧寫真傳至其國緇素敬仰忽放光出舍利五色晶瑩遂請國師松崖老率衆航海遠惠衣衫舖至其國不從其徒屬數輩依座下執弟子禮歷十餘年跣坐而化

舊劉志

正慧明德禪師道全字半江俗姓羅上高之曲禮里人自幼穎悟踐履明白元延祐間住持崇福禪寺初入山對伽藍

上高縣志

卷九

仙釋

四十一

神云神具五通人持五戒人傑地靈自然清泰其據室云元亨利貞具大造化晝珠發見炤四天下要知此寶元無價延祐以來捐衣鉢鼎建佛殿藏殿蒙堂前資堂及東庵重樓百廢具舉以其餘貲助修橋渡接待雲水孔能靜嘗有詩贈云西江一口吸不盡留得半江傳祖印人間定慧由戒生龍象比音隨錫振家山見說地布金沙香不在旃檀林金鰲坐跨超法海天華瑞落雲深深末峰嵯峩小天竺九朶芙蓉削蒼玉去來近舍一江分青鞋布襪過從熟人生百年富有爲理事中邊共一機五山巨眼認梁棟全

付黃梅夜半衣延祐進士邑人李路亦贈詩云淡淡半空
風月深深一徑煙蘿試問九峯山王石頭大小如何高前
山又有頌云一邊月照一邊鷗月起鷗眠水氣浮波影清
輝花晒錦海雲萬里碧天秋至正初示寂

舊劉志

僧夢日本李氏子年十七出家於福源寺飲酒茹葷不守戒
行一日有羅姓者建水陸齋方行道夢日大醉突入行列
周三匝盡嘔酒肉於佛前羅大不悅議欲再建其夕有一
老夜歸遇羣鬼相語云羅長者齋事精虔得樓智佛突入
證明令人人解脫矣羅聞而異之年二十四趺坐而化茶

上高縣志

卷九

仙釋

四十二

毗舍利甚多留頌云本欲不來今又還去撒手便行無可
分付

末山尼了然法嗣大愚禪師住天竺峯下聚徒五百餘灌溪
閑和尚到山先云若相當卽住不然推倒禪床便入堂內
師遣侍者問上座爲遊山來爲佛法來溪曰爲佛法來師
乃升座溪上參師問上座今日離何處曰路口師曰何不
蓋却溪無對始禮拜問如何是末山師曰不露頂如何是
末山主師曰非男女相溪乃喝曰何不變却師曰不是神
不是鬼變箇甚麼溪乃伏膺作圍頭三年師高安大愚嗣

也以上指月錄又一僧來參然曰大藍縷僧云雖然如此且是獅子兒然曰既是獅子兒爲什麼被文殊騎僧無答又僧問如何是古佛心曰世界傾壞僧曰世界爲什麼傾壞然曰寧無我身舊劉志

祥異志

洪範庶徵休咎以類漢儒因之五行五事出入天官附會經義棄常妖興修德祥至匪降自天召之民氣有道之世不侈符瑞偏災流行弗害有備聊存梗概庶幾論世作祥異志

祥瑞

晉

大元十五年白鹿見望蔡大守柏景獲以獻

齊

上高縣志

卷九

祥異

四十四

永明五年望蔡獲白麀

唐

麟德六年望蔡有白麀入人家馴擾不驚獲以獻

宋

開寶元年易延慶廬父墓側產玉芝十八莖內植二粟長爲連理

嘉定初榭口橋東盧氏店前有楓樟槐三木共本而生異幹而榮陰路旁行人休憩號曰義木縣尉盧汝楫詩有媿死人間不義人之句

咸淳二年白鹿見望蔡獲以獻

元

至正二十二年大有

明

成化二年黃敏堅園中生瑞竹一本兩枝

宏治十四年縣廳事產瑞芝三莖知縣童旭覆以亭

嘉靖元年况文錦家生瑞芝三本

以上舊志

羅之達下京陂車田人年登百有八歲

毛廷明景行團人年登百歲

上高縣志

卷九

祥異

四十五

國朝

黃華祝河西灣溪人年登百歲乾隆四十八年題請

旌表建坊

晏百祿義城下甘堆人年登百歲乾隆四十九年題請

旌表建坊

李時彥上京陂東溪人五世同堂乾隆四十九年題請

旌表建坊

黃粵常蒙安上儒里人五世同堂乾隆四十九年題請

旌表建坊

黃鳳祥河西灣溪人年登百歲乾隆五十六年題請
旌表建坊

李幹秀河南人邑庠生五世同堂乾隆五十六年題請
旌表建坊

黃富河西灣溪人年登百歲嘉慶元年題請
旌表建坊

羅克歡宗本洋田人年踰九十五世同堂

黃明道百歲團人五世同堂嘉慶二年題請
旌表建坊

上高縣志

卷九

祥異

四十六

羅興映妻巢氏崇本洋田人五世隨堂

朱緝熙廣樂田隴人五世同堂

熊維慶東團人太學生五世同堂道光元年題請
旌表

監生羅逢春繼妻彭氏崇本洋田人年九十五世同堂
喻北榮寧泰官橋人五世同堂道光元年題請

旌表

李長庚上京陂東溪人年登百歲道光二年呈請
旌獎

朱 瀚廣樂人郡增生五世同堂 以上林志

羅經元字履常號梅亭太學生年登百歲知縣孫長慶匾旌
期頤衍慶

李育十上京陂東溪人年登百歲

熊良寶妻任氏年百有三歲

丁廷璩河南岸人太學生鄉飲介賓五世同堂

李家萃上京陂東溪人年登百歲

李國長上京陂東溪人年登百歲

陳新雨廣安高車上人登仕郎五世同堂

上高縣志 卷九 祥異 四十七

熊耀祖蒙安上嶺塘人太學生五世同堂

冷近光景行新峯人附貢生五世同堂

羅輝邦妾李氏宗本洋田人五世隨堂

黃明壽妻況氏後塘田心人五世隨堂

黃家修後塘田心人太學生五世同堂

黃鑑與妻盧氏河北團人五世隨堂

陳重勳河北團江南人登仕郎年九十七歲五世同堂

黃明欣 後塘田心人 五世同堂

黃明撰 妻江氏後塘田心人 五世隨堂

災異

元

至正二十年春雨雪六十日夏六月地震

二十一年大旱

二十四年夏秋大旱

明

景泰三年冬迄四年春雪凝六十日

六年大旱斗米千錢民食樹皮草子

天順四年夏四月蛟出山崩大水漂没人畜

上高縣志

卷九

祥異

四十八

成化十五年大飢多盜

正德元年夏大旱秋七月大水山崩漂沒廬舍稻未穫者生
芽

九年虎入市傷人知縣王以旂禱於城隍虎遁去

十五年大水

嘉靖元年春夏大水漂沒民居無筭

十四年四月熊入市居民獲之六月野猪入市

十六年夏大水數丈居民漂沒秋旱

十七年飛蝗蔽天樹葉皆盡

二十三年旱

二十四年大饑斗米千錢民嘯聚攘食餓殍塞路

二十五年三月雨雹大如鷲卵堅過瓦石麥穗青秧悉碎人畜過之亦傷

二十九年大雪大冰

崇禎癸未正月沍寒結冰壓房屋樹木無算

國朝

順治二年乙酉六月龍出水橫流平地丈餘漂沒房屋人畜

濱河田土衝廢無算

上高縣志

卷九

祥異

四十九

十三年丙申冬三虎入城擒獲其二

十五年戊戌夏五月五虎入城全獲

康熙元年壬寅旱荒知縣王伯重繪流民圖詳請

題蠲正賦

按舊劉田賦志謂順治十八年旱荒知縣繪流民圖以請錢糧徵七免三與此不合攷通志南昌及各府旱係元年壬寅事則此爲得實

九年庚戌三月大風雨雹如卵拔樹傷苗復旱成災十二月雪六十日深五六尺壓毀房屋無算大吏

題蠲正賦發帑賑卹

十二年癸丑三月初七雨雹重六七觔大風拔樹毀民居禾
盡隕並傷男女無算

雍正六年戊申大旱早晚稻薄收署縣事高安令劉承莆詳
請

題蠲糧銀三千二百兩有奇賑穀二千四百石

七年己酉春大饑奉大吏發米四千石減價發糶

十二年甲寅夏大雹

乾隆二十一年丙子冬十月十六日酉時地震

上高縣志

卷九

祥異

五十

二十九年甲申春淫雨夏六月二十日地震

嘉慶十三年戊辰五月大雨經旬山水暴至錦江浸入城內
民幾爲魚知縣劉丙解冠履投之水始退

二十五年大旱漕糧緩征

道光十一年辛卯夏五月大水

十五年乙未夏旱蝗

二十一年辛丑冬十一月木冰

二十六年丙午夏旱

咸豐八年戊午春三月蝗五月大水

九年己未狼食人

同治元年壬戌春正月木冰

八年己巳夏四月大雨水暴漲

上高縣志

卷九

祥異

五十一

壇廟志 塋墓附

宗伯掌禮神人受治能施於民功則祀之維壇與壇曰廟曰祠城坊水庸並體民依自訶諂祭淫祀無稽殫我犧牲瀆我民彝用徵於古崇正黜私巍巍奕奕俾民不迷作壇廟志

壇

社稷壇 初在縣西明洪武九年丙辰知縣黃權以地隘遷河北七郎埠有神庫齋宿廳房今俱圯地基東一十六丈南二十丈五尺西一十七丈五尺北一十八丈中一十五

上高縣志

卷九

壇廟

五十三

丈五尺每歲春秋二仲月上戊日致祭

祝文

乾隆四年頒

維

神奠安九土粒食萬邦分五色以表封圻育三農而蕃稼穡

恭承守土肅展明禋時屆仲

春秋

敬修祀典庶九九松栢

磬石於無疆翼翼黍苗佐神食於不匱

風雲雷雨山川壇

初在縣東明洪武丙辰知縣黃權以地

汚下遷河南嘉靖二十年署縣事通判舒良材重建戒廳

一所地基東二十丈西一十丈南一十丈北二十一丈每

歲春秋二仲月上巳日致祭

祝文

雍正九年頒

維

神贊勳天澤福佑蒼黎佐元化以流形生成永賴秉氣機而
鼓盪溫肅攸宜磅礴高深長保安貞之吉憑依鞏固實資
捍禦之功幸民俗之殷盈仰神明之庇護共修歲祀正值
良辰敬潔豆籩祇陳牲帛

先農壇

在縣東壇高三尺一寸縱橫各二丈五尺舊建齋

室上下六楹東西廊各一楹歲久圯嘉慶辛酉知縣張保

上高縣志

卷九

壇廟

五三

修葺戊辰知縣劉丙重修壇南增建門一楹每歲致祭行

耕藉之禮

祝文

乾隆二年頒

維

神肇興稼穡粒我烝民頌思文之德克配彼天念率育之功
陳常時夏茲當東作咸服先疇洪維九五之尊歲舉三推
之典恭膺守土敢忘勞民謹奉爨章聿修祀事惟願五風
十雨嘉祥恒沐於神庥九穗雙歧上瑞頻書於大有

乾隆七年定每歲四月十八日舉行常雩之禮不另立雩壇

卽於先農壇行禮並合祀社稷山川諸神牌

祝文 乾隆九年頒

恭膺

詔命撫育羣黎仰體彤廷保赤之誠勤農勸稼俯維蔀屋資
生之本力穡服田令甲爰頒肅舉祈年之典惟寅將事用
申守土之忱黍稷惟馨尙冀明昭之受賜來牟率育庶俾
豐裕於蓋藏

厲壇 在河北明洪武庚申主簿季銘建神厨庫房宰牲所

今俱圯地基東一十八丈南一十一丈五尺西一十八丈

上高縣志

卷九

壇廟

五十四

北七丈週圍共六十五丈五尺每歲春月清明日秋七月
十五日冬十月朔日歲凡三舉祭無祀鬼

里社壇 每里百戶立壇一所週圍二十四步繚以土牆祀

五土五穀之神全安上團在蘿港村全安下團在葫蘆石

唐良團在天嶺義城上團在上大園義城下團在界嶺辛

義上團在辛上辛義中團在壠上辛義下團在大江嶺全

安團在遊獅嶺蒙安上團在西坑蒙安下團在社山上德

義上團在竹埠頭德義下團在楠木橋上蔡團在荔頭忠

義上團在北社忠義下團在踏岡坪孝義團在水石寧泰

團在大王嶺葛步團在護山景行團在烏泥嶺樂城團在顧城村忠城團在嚴塘嶺廣樂團在城頭嶺白土上團在上袍白土下團在張家山皂里團在橋亭下京陂團在店上百歲團在黃家市益樂團在江南後塘團在側溪永平團在株溪廣安團在潭上欽仁團在北阮崇本團在西石深村團在垵口黃村團在謝家橋修仁團在車上勞松上團在江姑橋勞松下團在短山南里團在白石北里團在櫟頭安定東團在敖港安定西團在晏塘河西團在城團尉界團在黃田新城團在曲禮舉子團在黃山俱明洪武

上高縣志

卷九

壇廟

五十五

年間王簿吳富建志其餘址土名以示後

康熙劉志

按上京陂里壇舊志失載

按里社壇及桑棗園康熙劉志備載其地今仍舊志錄出足爲考證地理之資然其中今昔相同者固有亦有異其名而莫詳其處或昔爲公地而今久爲私業又未可泥此以爲爭競之端也

鄉厲壇 每里一所今莫詳其處

廟

文昌廟 在學宮東舊係明倫堂嘉慶六年定列祀典乃移

明倫堂於學宮後卽明倫堂舊基改建崇祀

文昌帝君

每歲二月初三日誕辰爲春祭秋祭部頒吉日

祝文

維

神蹟著西垣樞環北極六匡麗曜協昌運之光華累代垂靈
爲人文之主宰扶正久彰夫感召薦馨宜致其尊崇茲屆
仲春用昭時祀尙其歆格鑒此精虔

先世廟 在文昌廟後道光四年知縣林元英率合邑士民

上高縣志

卷九

壇廟

五十六

公建崇祀

文昌帝君先代

每歲照前殿春秋二祭

祝文

祭引先河之義禮崇反本之思矧夫世德彌光延賞斯及祥
鍾累代烟列宿之精靈化被千秋緯人文之主宰是尊後
殿用答前庥茲值仲春肅將祀事用申告潔神其格歆
別有文昌閣一在河南一在益樂

武廟 在縣署東北舊額爲 關帝行祠後易額如今制崇

祀

關聖帝君

每歲春秋二仲月部頒吉日致祭五月十三日誕辰致祭

祝文 乾隆九年頒

維

帝浩氣凌霄丹心貫日扶正統而彰信義威鎮九州完大節

以篤忠貞名高三國神明如在徧祠宇於寰區靈應丕昭

薦馨香於歷代屢徵異蹟顯佑羣生恭值嘉辰遵行祀典

筵陳籩豆几奠牲醪

上高縣志

卷九

壇廟

五十七

先代廟 在正殿後崇祀

曾祖光昭公 祖裕昌公 父成忠公

每歲照前殿春秋誕辰三次致祭

祝文 乾隆九年頒

維

公世澤貽麻靈源積慶德能昌後篤生神武之英善則歸親

宜享尊崇之報列上公之分爵錫命優隆合三世以肇禋

典章明備恭逢諏吉祇事薦馨 別有

關帝廟 一在縣署西嘉慶六年知縣張保重修一在河北

察院道側一在河南亭口一在河南醫學上一在河西灣
溪一在河西塏上一在河西六口一在仁里團一在崇本
團洋田一在崇本山棗渡一在白土上泉港一在上蔡官
橋一在德義上翰塘一在南里白石蒙山下一在唐良樓
下一在河東虎檻舖一在河東下田北一在義城上杭頭
灣溪一在舉子豸溪

城隍廟 舊在河南岸東濠圳上四神閣其故址也地濱水
宋宣和乙巳邑人移於河北岸縣治西經三載廟始成元
至正甲午被兵燬邑人余漢卿倡葺明洪武初知縣劉以

上高縣志

卷九

壇廟

五六

仁新之宏治十六年知縣童旭重修後復圯

國朝順治丁酉年知縣康殿邦率邑人修葺正殿康熙十年
署縣事陳常率合邑士民重建後殿穿堂康熙十一年攝
縣事本府同知金懷玉原任知縣梁叔乾率前首事捐建
前亭三間知縣劉啓泰記乾隆十五年河北鄭肇正等募
葺正殿丹輝左右兩廊戲臺大門巍煥壯麗爲一邑勝觀
李實記嘉慶十三年知縣劉丙重修每歲五月二十八日
誕辰祀之道光辛丑合邑捐修兩廂分爲十殿頗覺壯麗
輔應廟 在縣西五十里末山之下旱禱輒應葺道辛卯有

虎爲害郡守王日休爲文祝之遂止今廟圯

按廟寺已廢者嘉慶劉志移列古蹟似覺淆雜今仍列壇廟寺觀中各以類從庶便觀覽

皇甫武將軍廟 在縣北十里沙溪武泉山有泉滙而爲沼中有鱣鯉不可取食之輒死因將軍靈威不可犯也今圯三元廟 在縣治後圍舊有屋三間奉三官神像嘉慶六年知縣劉丙於右增從屋二間厝屋三間以棲邑士之來學者二十一年知縣談有本增前廊四楹道光三年知縣林元英復加整葺

上高縣志

卷九

壇廟

五十九

東嶽廟 在河北岸城隍廟西北唐會昌中建雍正辛亥重修 又一廟在辛義中堆峯

二郎廟 在縣青陽門內桂林坊祀押射神卽秦蜀守趙冰之子嘗佐父囚蛟弭水患上高水亦名蜀江故祀之

福王廟 在縣城大街

冲真廟 在縣城北門內其廟先名冲真觀在况姓觀前明洪武間移今址祀唐張巡許遠宋康保裔

大聖廟 在縣旭屏門外祀五顯神鄉民疾疫禱輒應明洪武庚申廟傍有萬仲賢者夜被劫妻與甥並殺死莫知爲

誰仲賢鳴於官久弗白壬戌主簿吳庸署邑篆以萬氏居鄰於廟宿廟以禱期三日獲報詰旦忽有小紅蛇出神案下馴擾不驚觀者駭異簿趨視蛇忽不見俄有鄧矮者瞪目大叫曰殺萬氏妻與甥者鄧明三與姚伏一也刀在鄧家水塘內如其言跡之果得刀獄遂白

按萬仲賢事頗涉怪誕然石言於晉或有所憑且傳聞至今明有寃之必報也姑存之以警凶暴云

嘉慶劉志跋

九郎廟 在縣北三里屢著靈應

太陽廟 在縣北五里之泉溪祀五龍太保神

上高縣志

卷九

壇廟

六十

七郎廟 在縣西門外

以上俱附縣城

真君廟 一在大觀塔左乾隆五十四年合邑以修塔閣餘

銀創建一在河南下街一在河西凌江墟一在崇本洋田

一在下京陂徐家渡廖洲一在白上上泉港一在百歲蓮

橋一在後塘田心一在蒙安下團一在唐良水口墟一在

樂城游家叢

崇顯順應廟 在縣河南岸之東縣城隍廟舊在河南四神

閣左宋宣和乙巳邑人遷廟河北遂奉其子立廟居民有

禱必應

三聖廟 在河南真祐觀側

四郎廟 在河南岸墻頭盧姓居側

英烈廟 祀宋康保裔一在河南岸魚巷尾一在唐良天嶺

一在縣東五里毛家灘在永平者曰株村廟在南里姜陂者曰康王廟在義城上堆上者曰康公祠

潭頭廟 在河南岸西祀晉石虎唐李靖

天符廟 在縣河南岸一在南里橋湖

華光廟 一在河南下街真君廟下一在河西高湖一在徐

上高縣志

卷九

壇廟

十一

家渡中街一在徐家渡下街一在寧泰官橋墟一在忠城泗溪墟

倉曹廟 在河西一建白沙上灣一建白沙下灣一建埭口

相傳黃倉曹參軍舟行溺死於此數著靈應鄉人祀之

大王廟 在河西焦坑

望蔡公廟 在縣西二十里許大苑晉謝琰與謝元禦苻堅於淝水有功封望蔡公故祀之

泗將軍廟 在上蔡祀水神楊泗

市新廟 在縣西四十里許麻塘市

資聖廟 在縣西六十里之路口東邊李姓建

壽聖廟 在縣八十里螺田舊爲壽聖院順治戊子舉人江廷魁卽故址改立廟祀礮溪土神

劍池廟 在縣西七十五里田心

曹坑廟 在蒙安上社山祀曹坑舍人熊如山相傳爲唐時通判數著靈應邑人祀之

將軍廟 在南里上馬湖

劉公廟 在南里員山

小陂廟 在南里山口

上高縣志

卷九

壇廟

六三

東祥廟 在縣南蒙山下

建城廟 在唐良溪下

水口廟 在縣南三十里杭頭靈峯山下

方山二龔廟 在縣南二十五里陂頭大許溪

掩石廟 在縣東舉子團

軍石廟 在縣南三十里夏城鄉

金甲神廟 在縣西鈞石

三將軍廟 在曲禮水口山下

三軍廟 在縣江洲連望保奉祀宋岳少保父子今祠額圯

各姓仍輪奉香火

集福廟 在縣東三十里寧泰泉水塘上

羅公廟 在西園野雞腦武舉羅裕拒賊陣亡於此里人哀之爲奉香火

石佛廟 在縣西二十里大垣

節孝祠 舊在縣署東久圯嘉慶七年重建於學宮碑亭東道光四年改祠爲明倫堂乃移建於文昌廟西今改建明倫堂東祀節婦姓氏詳列女志

祝文

上高縣志

卷九

壇廟

三

維

靈誠心皎潔令德柔嘉矢志完貞全閨中之亮節嗚呼致敬彰閭內之芳型茹冰蘖而彌堅清操自勵奉公區而匪懈篤孝傳徽綸絲特沛乎

殊恩祠宇昭垂於令典祇循歲祀式薦罇醪

仰山行祠 在縣治西神爲宜春孚惠二聖姓蕭自唐以來水旱疾疫有禱必應鄉村鎮市多祀之在金石橋東者曰七郎祠在黃田村者曰孚惠祠在曲禮下坊者曰九龍祠在敖唐者曰竺雲峯在天則岡者曰二聖祠在黃村堆上

者曰石龍岡祠在帶源者曰楊柳江祠在唐良陂下者曰
仰山行祠在印塘嶺上及河東象嘴灘者曰仰山廟在修
仁團界埠下會者曰仰山祠

四神祠 在縣河南岸之東四神者秦趙昱漢紀信唐段秀
實宋康保裔也

雷神祠 在河南

忠烈祠 在河南文昌閣下祀忠烈廣信侯卽唐司農段秀
實

宣梵祠 在崇本洋田祠前有九子樟一株不知何代物既

上高縣志 卷九 壇廟 六十四

枯復生

青龍祠 石神祠 俱在益樂球湖

龍安祠 在益樂鄒家坊

雲陂祠 在唐良富溪林竹

五顯祠 在荆藍湖祀五顯神

按以上諸祠廟固多不入祀典然考其事蹟皆有功德
於邑人者附志諸此亦崇德報功之意故不從刪例
嘉慶
劉志 跋

塋墓附

陶淵明墓 在縣北義鈞上鄉有秀溪八景後義鈞上鄉宋
太平興國三年割補新昌故新昌志亦載

盧肇墓 在縣之望祭鄉模塘尾

荆王墓 在縣南二十五里地名短港舊傳荆王就封道薨
於此今李姓卽其子孫也

義塚 一在縣北中鏡山地名掌形蓬顯纍纍今無隙地一
在下鏡山地名坳背萬厯四十一年署縣事本府通判林
之蘭捐貲平買河北岸民黃堂黃堽等空山一嶂縱長百

上高縣志

卷九

塋墓

六五

六十餘丈橫四十丈以每穴縱六尺橫四尺爲率計之可
葬三萬餘塚勒碑於山之麓定爲葬法令先儘山脚上層
從中葬起左右橫分一棺緊傍一棺不得多佔餘地一層
滿葬一層不得零星攙越如有擇地侵佔不循次序者官
治其罪碑記尙存恐年遠湮歿爲節畧於此

寺觀志

白馬西來鴻臚燕衍光散竹宮益侈樓觀象教元風肇
於兩漢崇尙旣誣土木斯濫飛閣流丹雕楹籠紺舄墜
雲中霞燔天半金輪玉清咄哉閤閉畧識勝游匪張彼
岸作寺觀志

寺

九峯崇福禪寺 在縣西五十里之末山麓唐鍾傳故宅僖
宗時傳聚兵此山旣封南平王捨宅爲寺乾寧中延僧普
滿元禪師開山昭宗賜額宏濟天復中改今額或云鍾令

上高縣志

卷九

寺觀

本末

公未達時留此後據豫章叛爲功德禪寺第二代大覺虔
禪師繼席此山常示衆云流泉是命湛寂是身高勝叢林
欽仰至今元延祐間四十四代任持正慧明德禪師道全
自幼穎悟初入山對伽藍神云神具五通人持五戒人傑
地靈自然清泰捐衣鉢鼎建佛殿藏殿蒙堂前資堂東庵
重樓明洪武丁巳僧性空增建堂宇十五間

國初寺燬於火康熙十年有僧靈石從洞山來誅茅剪棘復
就故址重新殿宇靈石洞山之徒宗遠已任皆其法門也
寺有糧八石三斗田半荒蕪府縣爲請得免征稅

按敖陽寺凡九惟末山九峯爲最末與蒙並峙蒙最大
末最高與匡廬西山並稱雄勝宋運副蔣之奇袁守阮
閱明鄒文莊公守益講學於此近時邑人李浚漢皆有
詩紀其勝

康熙劉志跋

蒙山聖濟禪寺 在縣南三十里之善塘村唐道明禪師開
山宋治平元年賜額建炎戊申僧紹濟以地理術咒水得
錢重修寺宇堂階壇座皆甃以石縣尉陳有聲邑人况師
點俱有詩元至正間兵燬明洪武丙辰僧湛然建殿宇五
間明季又燬於兵

上高縣志

卷九

寺觀

二十七

國朝順治間思懶融和尚募蒙巖名勝卓錫於此集聖濟派
下僧懸路修學等各捐貲重建佛殿禪堂開講說法參遊
者每歲數百人嘉慶十五年夏知縣劉丙禱雨蒙山見院
宇頽敗捐廉書序命僧募葺且設位以祀蒙山之神序詩
俱見藝文

普濟寺在縣北十里之沙溪武泉山本東晉皇甫將軍宅日
東僧師岸易爲浮屠精舍唐初賜武泉院額會昌中廢光
啟三年南平王鍾傳以錢二百萬委僧令嚴創建未幾又
火唐保太中僧義我再建有童光中記宋太平興國中改

今額有斷碑尚在又有徐鉉篆刀衍記

淨居寺 在縣西四十五里之白土唐小釋迦法嗣紹興道場舊曰能居隋開皇九年置唐貞觀三年廢大曆三年復寺有施肩吾記宋治平間改今額

多寶寺 在城東北四十里縣界中張直有詩見藝文

田南寺 在縣東五里之潭步宋邑丞游少游有詩見藝文後改惠濟院

寶巖寺 在縣北五里之黃田舊曰永安宋熙寧丁巳冬至

江西轉運副使蔣之奇至寺留題云余行部上蔡冬至一

上高縣志

卷九

寺觀

六六

日前至寶巖不欲入邑以勤官吏遂留經宿書一絕於柱上其詩尙存見藝文

禪慧寺

一作禪定寺

在城南六十里宋阮閱有詩見藝文

定林寺

一名下定林院

在縣北二十里之清源舊曰福慶洪覺範詩

云瘦藤作伴沿敖嶺驟雨相邀入定林敖嶺去定林一望而近後人載覺範詩於九峯上定林之下則誤矣

按道光林志於九寺僅存九峯聖濟二寺今援據府縣舊志詳而載之以多名人題詠且古蹟攸存不可削也蘇頌濱聖壽院記有云高安郡其地險遠士之行乎當

時者不至於其間昔東晉時許遜與其徒十二人散居
山中能以術救民疾苦民尊而化之唐時儀鳳中六祖
以佛法化嶺南馬祖興於江西於是洞山有价黃蘗有
運真如有遇九峯有虔五峯有觀高安雖小邦而五道
場在焉至於以禪名精舍者二十有四此二者皆他方
之所無詳稽五道場洞山黃蘗五峯在新昌九峯在上
高在高安惟真如其言高安郡者爲其首邑統言之耳
觀此則宋以前學道學禪之衆可想見矣所稱精舍二
十四卽未指明其處而如馮村永樂院之有通慧禪師

上高縣志

卷九

寺觀

六九

望蔡門外龍化山開善院之有俱胝禪師上藍山之有
令超禪師末山天竺峯上定林院之有了然尼皆道具
各錄而志不詳其寺院疏矣大抵宋以前仙釋爲多宋
以後科名爲重良由其始尙未墾闢率多古木長林地
稱僻絕一二高人逸士往往託跡於釋道之間是以蜀
江志曰斷崖深壑宛若洞府寰宇記曰尙黃老清淨之
教士大夫重於隱逸有徐孺子遺風其科目於宋進士
府省選舉志俱統載瑞州人以故三邑之志彼此互有
出入至元李路以下始秩然而不紊亦確然而可據志

以人物著者不由選舉者蓋鮮而仙釋自元延祐後竟寂無其人此固論人物今昔一大關鍵也故凡寺觀仙釋古不可刪今毋庸續因論九寺附詳其說於此

多寶寺 在縣治西東嶽行宮之旁舊曰洞山唐大順間僧鍊牛開山宋治平元年改今額元延祐庚申遷縣治後地售况氏至正甲午寺遭兵燬明洪武丙辰僧平山復募况氏故址重建堂宇五間正德丁丑僧諒鎮重修萬曆丁巳聖濟僧果滿募緣鼎建毘盧閣於佛殿後庚申募鑄接引銅佛高一丈六尺

上高縣志

卷九

寺觀

七十

國朝順治庚寅果滿徒懷賓募修諸佛癸卯懷賓徒止水募修毘盧閣道人大塘况文五掌其籍歲久圯嘉慶十四年况氏捐貲重修知縣劉丙記

崇寧寺 在河南岸東關舊名觀音聖果院唐大順間青衣道者開山宋改額叢林元燬於兵明洪武乙卯僧正堂建小屋三間丁卯性空重建殿堂山門明末圯

國朝康熙壬子署縣事金懷玉令僧超然募貲重建大雄寶殿佛像僧房概爲一新復改今額道人李伯通掌其籍後圯乾隆丁丑嘉慶庚午屢有修葺咸豐間燬於竄匪

慈光寺

在縣西三十里茶源村唐大順間僧中山開山宋

治平元年賜額元至正丙午僧滄溟重修殿堂明洪武辛亥僧敬真重修兩廊十間

廣利寺

在縣西六十里之石虬渡舊曰廣安唐大順間僧中峯開山元燬於兵明洪武甲寅僧中立重建

國朝康熙丁未僧悉聞建塔潘太史述祖嘗讀書於此有詩見藝文

香山寺

在縣西八十里浮樓嶺東麓永平團唐大順間僧

大機開山元季兵燬明洪武丁巳僧海巖重建羅之紀有

上高縣志

卷九

寺觀

七十一

詩見藝文

按明一統志香山寺題壁詩未詳名氏志於寺觀中載羅之紀有詩考之藝文乃邑丞游少游作未知孰是

圓光寺

在縣東二十里修仁團唐大順間僧鏡明開山宋

賜額

金地寺

在縣南四十里之唐良團唐大順間僧姑林開山

宋治平元年賜額元時兵燬明洪武間僧本性募建堂宇五間塑立佛像

廣法寺

在縣南二十里之上港村舊曰上港寺唐大順間

僧本源開山宋治平元年賜額元至正壬辰兵燬明洪武甲寅僧無相重修

蒼岡法忍寺 在縣西南二十五里蟠村舊曰蒼岡唐小釋迦法嗣派下宗名開道場宋淳化三年重建

國朝康熙八年僧空顯請末山僧超然住持改獅子山之蒼岡爲法忍寺著有語錄併郁堂詩事載法雲期場記寺左聖井許旌陽插劍成井處右五顯廟

清漣寺 在縣西二十里河西南源明天啓二年沙門妙靜募建明季爲窩寇所燬順治辛卯本里歐陽氏重修

上高縣志

卷九

寺觀

七三

廻瀾寺 在河西灣溪

文覺寺 在縣東南五里寺東爲誕登書院又東爲大觀塔
俱合邑公建

雲衣寺 在深村嚴塘胡濬捐貲建

青蓮寺 在崇本團洋田金家洲舊爲百子庵

國朝康熙年間易今名辛侍郎有金洲古刹題詞云翠髻雲深祇樹花森記何年刹到如今藤蘿殿角苔蘚碑陰聽磬傳香鼓傳粥梵傳音 新寺開林舊地鋪金總芳洲勝景幽尋清遊宜月寫韻宜琴擬借素心結蓮社碧江濤

翠谷寺 在唐良樓下

金鈴寺 在舉子團雲臺山祀仙姑遇旱禱有應

雲谷寺 在縣東三十里辛義中團康熙三十七年僧三沐

購饒姓地創建嘉慶十二年燬於火十四年僧超然重建

院

上定林院 在縣西南七十里之末山舊曰天竺唐尼了然

居之宋治平元年改額

鷲嶺院 在縣西四十里之龍岡有小鐵鐘云吳乾貞五年

五月十八日

上高縣志

卷九

寺觀

七三

福源院 在縣北十五里之曲禮宋治平元年賜額院左有

一石堆名魚袋山又名鼻其上有圓峯二唐司馬頭陀鈐

記云石鼻有雙峯分明似鼓鐘王侯如不下必作梵王宮

禪寂院 在縣南三十里之黃塘舊曰城山宋治平元年賜

今額

寶雲院 在縣南三十里之麥折寶雲山舊曰紹隆宋治平

元年賜額嘉熙庚子更爲寶雲庵

普潤院 在縣西十里之章岡山舊曰龍泉宋治平元年賜

今額

資國院 在縣北二十里之周村宋治平元年賜額邑人羅之紀有詩見藝文

永樂院 在縣東四十里之馮村舊曰康樂宋治平賜額唐通慧大師駐錫於此後卒咸通二年真身浮水泝流而上至高安石頭上下屹立不動居人異之爲建石塔以葬祥符中僧發視乃拱立鉅甕中髮垂覆肩迄今祈禱多應

棲真院 在縣西七十里箬阮舊曰祇陀近地有雲仙臺俗傳其上常有風雲相吹噓如聞仙樂聲以故得名有唐天復元年鍾傳所鑄銅佛

上高縣志

卷九

寺觀

古

雲巖禪院

在縣西八十里之東陂舊曰雲峯

寶界院

在縣西八十里之仙姑橋舊曰仙姑始居山之北

一夕雷雨詰朝失寺所在但見水泉泛濫鄉人遂創於泉之下流以泉驟發疑有怪物因目爲飛泉傍有小山阜名仙女臺小橋名仙女橋

悟宗院

在縣北一作縣西四十里舊曰快山相傳有寶鐘款識

順義年間鑄宋治平元年改額元祐間牧童攫於虎兩牛奔救與虎角力來護牧童童得不死洪覺範詩云嗟乎異哉兩大武高誼可與貫疇伍今徒仁義名好古臨事真情

乃愧汝紹興七年燬

方廣院 在縣西五十里潤溪泉上唐天祐中鍾傳置宋建
炎兵燬

羅漢院 在勝果寺側

開善禪院 在上蔡門外龍化山

禪寂院 在縣南孝友坊舊曰南禪寺唐時建宋時改額既
廢後復重修仍曰南禪寺

布金院 在縣河南今爲風雲雷雨壇

無爲院 在縣西三十里之舍溪唐大順間僧真道開山宋

上高縣志

卷九

寺觀

七五

治平間賜額以後屢有修葺

安國院 舊名楊林寺在勞松園石陂唐大順間僧大琮開
山宋太平興國八年賜今額元兵燬明僧如庵重建法堂
塑裝佛像

瑞山禪院 在縣東三十里辛義下團康熙丙午建翰林蔣
超題額

壽聖院 在縣西八十里螺田舊名礮溪宋治平元年賜額
常安院 在縣南三十里左村舊名隆興唐大順間改額今
廢

栖隱院 在縣西四十里之大石村唐時開山舊名雲成宋治平元年改額今廢

延福院 在縣西七十里規山唐光啓間建今廢

普照院 在縣西六十里井頭唐時開山宋治平間賜額今廢

證道院 在縣北十五里橫江村唐大順間僧徽禪師開山今廢寺有田地歸併崇寧寺

興福院 在縣西三十里港南旁有帝陂石洞唐時開山宋賜額今廢

上高縣志 卷九 寺觀

普慈慈一作惠院 在縣西十五里密村舊曰容塘唐時開山宋治平中賜額今廢

內宮院 在集賢坊舊有寺產甚多今廢

戒香院 在縣四十里之上藍藍一作攬

庵

華嚴庵 在縣東鷓鴣洲初雲居寺派諸緣和尚由北京萬佛堂到此開山明萬曆時首山和尚任持勅封華嚴禪庵孝安陳太后賜袈裟一領流金銅佛一尊本庵道長募郡守楊重修山門又募重修堂殿塑裝佛像

龍泉地藏庵 在縣治東尉界團龍口山下僧恆音自九華來募化修葺捐衣鉢貲置香燈田十畝郡同知蔣允修有

記

鏡山庵 在縣旭屏門外中鏡山之麓

蓮池庵 在縣招敖門外敖山之陽

西來庵 在縣末華門外僧修學建慧超重修

祝聖庵 在河西灣溪

水月庵 在縣河南亭口關帝祠側

普靜庵 在縣河南下關帝祠側

上高縣志

卷九

寺觀

七七

通源庵 在襄陂側邑侯王標建

慧定庵 在埭口倉曹祠後萬曆丙辰僧冰湖開山徒廣學

重修山王灣溪黃姓

九子庵 在仁里鍾家渡口

末山地藏庵 在九峯寺之右里許順治四年僧魯生募傳

燈法席寬靜參悟卜勝於此徒正覺爲買山建庵瞻庵有

田以派自市以地藏庵遂仍其額康熙十二年正覺徒用

宣重建上下佛殿橫屋七楹

環水庵 在縣西六十里東溪李姓合金口水四面有水環

之故名

定慧庵 在縣治八十里山棗渡明萬厯間黃明建

國朝順治六年舉人江廷魁同鄉人重修

廣濟庵 在廣安團

福壽庵 在下京陂

馥蓮庵 在縣南二十五里壠塘

萬福庵 在蒙安下團流陂

石龍庵 在縣西南十五里觀音洞口舊止三楹將圯嘉慶

戊辰知縣劉丙捐廉仍令住持僧募貲重修建堂一楹房

上高縣志 卷九 寺觀

七六

三楹廳二楹里中助修各姓勒有碑

善濟庵 在北里團

蒙山天曉庵 曹顏建住居四十餘年樂善好施虎豹爲侶

知縣劉而介贈之額曰德重名山後其徒九葉嗣席

竹林庵 在唐良天嶺

羅月庵 在唐良富溪林竹

靈峯庵 在縣三十里之杭頭靈峯山下庠生晏煜建其峯

相傳有赤光如斗里人以爲神因卽其峯立廟

種松庵 在杭頭里人晏揚勲守父塋建庵其側四面多植

松隨披緇歸隱自號種松道人因名

太平庵 卽大坑庵在義城下團樾港

廻瀾庵 在全安上端溪

大士庵 在田北關帝閣左

北辰庵 在正全安團富港

九龍庵 在界埠爲行旅憩息之地知縣沈可培竹枝詞有

白雲堆裏九龍庵之句

雙龍庵 在西團水口

廣福庵 在縣東四十五里良田唐壽禪師建久圯僧清因

上高縣志 寺觀

七九

重建

觀

冲真觀 在縣北一里敖嶺下晉敖真人修煉處舊名敖真

觀宋治平元年賜額

洞陽觀 在義鈞鄉甘家山觀有三清像者言始自延禧觀

徙而他之至此忽舉不勝因止焉里人爲誅茅結廬久之

沒於蘿蔓宋嘉定初紫陽道士江文餘感夢爲棚屋云後

廢

帝夷觀 在縣南四十里許旌陽曾遊舊名永豐宋治平元

年改今額陳有聲有詩見藝文相傳許旌陽以劍畫太陽
靜三字於石凡人病者以水磨石漿飲之卽愈宋南渡後
有一士夫得病磨水服頓愈令扛去行至路市石忽飛去
不知所在方盛時有道士鄔德修宋孝廟朝過臨安得旨
住玉隆宮後歸受業所有琴一張絕佳後爲萬載人得之
觀自是陵替開禱間有道士胡德彰能琴詩忽有攜此琴
來質胡厚其直留之遂貯以囊書珠還合浦於其上德彰
死遂爲人所有觀亦狼狽則知琴亦能爲人盛衰云

真祐觀 在河南岸相傳李真人飛昇之地原名松林宋治

上高縣志

卷九

寺觀

八十

平元年改今額有嘉祐時鑄鐘張直有詩元至正甲午兵
燬明道士葉一芳重建屋宇江有源重建三清殿邑侍郎
黃景書額明季復頽

國朝康熙三年道士鄭應洪重修乾隆八年嘉慶五年山主
丁李二姓屢有修葺詩見藝文

虛白觀 在縣東十五里靖下村晉時有甘羅二真人嘗遊
其地舊曰甘羅觀宋治平間改今額慶曆中有隱者周肅
自稱大寶山人留題而去

通靈觀 在縣東二里許世傳觀後洞深地仙宅焉又補觀

往來棲其上晉時建今洞堙不知其處觀亦久廢

招仙觀 在縣南十里今廢

清源觀 在縣北十五里靖下村今廢

永興觀 在縣北四十里宋元豐五年賜額今廢

紫陽觀 在縣河之西今廢

上清觀 在縣北四十里宋治平間賜額今廢